



土岐文庫
文庫17
W112
1





善
善
本

望
樂
種
藏
本



未
竹
鉉
夫
主
林

010185191724

文庫 17
W112
1

朱竹垞先生杜

詩評本

望雲軒藏板

昭和六十年五月二日贈
朱竹垞先生杜

朱竹垞先生原跋
宋景濂為俞默翁杜詩舉隅序
以為註杜者無慮數百家大抵
務穿鑿者謂一字皆有所出泛
引經史巧為附會榘釀而叢脞
騁新奇者稱其一飯不忘君發
為言詞無非忠愛之意至

跋

于率爾詠懷之作亦必遷就而為之說說者雖多不出於彼即入於此遂使子美之詩不白于世余謂斯言蓋切中諸家之病惟閱是集為二三前輩丹黃評定雖無箋註而批卻導窺各寄會心余因附叅末見以冀作詩

宗旨不僅沾沾于證引也康熙乙巳夏月竹垞朱彝尊書于曝書亭側

曩歲壬午余觀察潼商識毘陵莊君斯才於關西書院知其績學工詩行篋中携書甚夥尤愛前輩評跋遇世所未見之本必購得之雖典質不恠蓋性之所好在是也是編迺秀水朱竹垞太史評本斯才得之於皖城書肆者余簿領之暇斯才每出以相質謂得杜詩真味司之知其言不謬夫古人讀詩貴以意逆一加評隲便落筌蹄

切磋何關貧富系絢何關禮後而聖門兩
賢於言外得之他如子擊好晨風而慈
父感悟裴安祖講鹿鳴而兄弟同食周盤
誦汝墳而為親從征其觸發皆在本詩之
外若沾沾評論天女散花說成園丁種樹
又昌足貴然是說可為善讀詩者道未可
為天下後世之膠柱調瑟不善讀杜詩者
言也太史評本暗室一燈斯才梓以公世

其意良厚余舊讀太史曝書亭集覺其詩
源出浣花今觀是編益足徵信斯才殆將
假道於朱而問奇於杜矣刻既竣誌數語
以為跋道光十一年七月既望長白岳良
書於江西藩署

著作難評隲尤難鍾期之琴惟伯牙知之
荆山之璞惟卞和知之劉舍人謂良書盈
篋妙鑒迺訂旨哉斯言無妙鑒固未可訂
良書也杜老為千古詩宗自唐以來箋註
評跋家更僕難數其最著者如宋郭氏之
集九家註黃氏之補註元高氏之集千家
註明唐氏之杜詩攬註林氏註且索其重註
國朝仇氏之杜詩詳註雖各有短長要於

是編原跋引舉隅序所指之二病胥未滌
盡又大半詳於註而略於評且震其重名
莫敢指摘一語信口推諉一唱百和反不
能挾作者之精發後人之慧每思覓善本
讀之不可得丙戌遊皖城偶過書肆見敗
帙中有是編迺秀水竹垞先生手批本購
歸讀之覺體會入微別有心得莊子云自
細視大者不盡凡評杜而稱美其寫景賦

物者蹈之朱子云楚辭不皆是怨君被後
人都說成怨君凡評杜而附會時事雖偶
爾涉筆亦必曲謂其發於忠君愛國之思
者蹈之是編掃空諸弊尤愛其挾疵摘瑕
不少假借足為子美功臣洵如伯牙之於
琴卞和之於璞能妙鑿良書者也今來豫
章長夏無事取所評之本手錄付梓以公
同好原跋有二三前輩丹黃評定語似非

出先生一人之手然既經先生審定際謂
秀水朱氏評本也可

道光辛卯季夏陽湖後學莊魯駟斯才序

朱竹垞先生杜詩評本總目

第一卷 古詩五十五首

第二卷 古詩四十九首

第三卷 古詩四十二首

第四卷 古詩五十一首

第五卷 古詩三十五首

第六卷 古詩五十五首

第七卷 古詩二十六首

第八卷 古詩四十二首

第五卷

五言古詩二十九首

第六卷

五言古詩三十七首

第七卷

七言古詩四十二首

第八卷

七言古詩五十五首

第九卷

七言古詩四十四首

第十卷

五言律詩九十六首

第十一卷

五言律詩九十五首

第十二卷

五言律詩一百十四首

第十三卷

五言律詩一百七首

第十四卷

五言律詩一百四首

第十五卷

五言律詩一百十四首

第十六卷

七言律詩七十四首

第十七卷

七言律詩七十七首

第十八卷

五言排律二十四首

第十九卷

五言排律三十六首

第二十卷

五言排律二十九首

第二十一卷

五言排律三十八首

第二十二卷

七言排律八首

第二十三卷

五言絕句三十一首

第二十四卷

七言絕句一百七首

總一千四百五十八首

朱竹垞先生杜詩評本卷一

陽湖莊魯駒校刊

五古詩四十九首

望嶽

五字是泰山

岱宗夫如何齊魯青未了造化鍾神秀陰陽割昏

曉盪曾生曾雲決背入歸鳥會當凌絕頂一覽衆

山小

遊龍門奉先寺

已從招提遊更宿招提境陰壑生虛籟月林散清



起筆包括多少只寫望字

首尾寫望字出

一句完題下都寫宿

四句宿時景象

影天闕象緯逼雲臥衣裳冷欲覺聞晨鐘令人發
深省

贈李白

官叙起二年客東都所歷厭機巧野人對腥羶蔬食常不

飽豈無青精飯使我顏色好苦乏大藥資山林跡

如掃李侯金閨彥脫身事幽討亦有梁宋遊方期

拾瑤草

陪李北海宴歷下亭

東藩駐皂蓋北渚臨清河海右此亭古濟南名士

選體之遺

世恃才負氣致禍蘊真之言欲其歛才入道也

多雲山已發興玉佩仍當歌修竹不受暑交流空

湧波蘊真愜所遇落日將如何貴賤俱物役從公

難重過

同李太守登歷下古城員外新亭

新亭結構罷隱見清湖陰跡籍臺觀舊氣冥海嶽

深圓荷想自昔遺堞感至今芳宴此時具哀絲干

古心主稱壽尊客筵秩宴北林不阻蓬華興得兼

梁甫吟

奉贈韋左丞丈二十二韻

直敘處每自言所得不善
學之則傷雅

納袴不餓死儒冠多誤身
丈人試靜聽賤子請具陳
甫昔少年日早充觀國賓
讀書破萬卷下筆如有神
賦料楊雄敵詩看子建親
李邕求識面王翰願卜隣
自謂頗挺出立登要路津
致君堯舜上再使風俗淳
此意竟蕭條行歌非隱淪
騎驢十三載旅食京華春
朝扣富兒門暮隨肥馬塵
殘杯與冷炙到處潛悲辛
主上頃見徵歛然欲求伸
青冥卻垂翅蹭蹬無縱鱗
甚愧丈人厚甚知丈人真
每於百僚上猥誦佳句新
竊效貢公喜難甘原憲貧
焉

起妙于沈着結妙于淡宕
故起筆聳拔結意紆餘

能心怏怏祇是走踈踈
今欲東入海卽將西去秦
尚憐終南山回首清渭濱
常擬報一飯况懷辭大臣
白鷗沒浩蕩萬里誰能馴

前出塞九首

戚戚去故里悠悠赴交河
公家有程期亡命嬰禍羅
君已富土境開邊一何多
棄絕父母恩吞聲行負戈
出門日已遠不受徒旅欺
骨肉恩豈斷男兒死無時
走馬脫轡頭手中挑青絲
捷下萬仞岡俯身試

此等題有分章而無分首
只作一篇看如選詩贈白
馬王彪秋胡等例後人妄
意刪選豈知詩中凡涉
議論者皆舍之
看他九首中從出門至論
功一有次第
前後二字可見唐世兵制
前以府兵言後以募言
第一章語氣便分別

舉旗

磨刀嗚咽水水赤刃傷手欲輕腸斷聲心緒亂已
久丈夫誓許國憤惋復何有功名圖麒麟戰骨當
速朽

反言見意
語自勻稱

送徒既有長遠戍亦有身生死向前去不勞吏怒
嗔路逢相識人附書與六親哀哉兩決絕不復同
苦辛

慨然有深味想古之却聘者亦與此篇同悲

迢迢萬里餘領我赴三軍軍中異苦樂主將寧盡
聞隔河見胡騎倏忽數百羣我始為奴僕幾時樹

功勳

從四句直率少味

挽弓當挽強用箭當用長射人先射馬擒賊先擒
王殺人亦有限立國自有疆苟能制侵陵豈在多
殺傷

有仲宣公幹之風

驅馬天雨雪軍行入高山逕危抱寒石指落曾冰
間已去漢月遠何時築城還浮雲暮南征可望不
可攀

調自好

單于寇我壘百里風塵昏雄劍四五動彼軍為我
奔虜其名王歸繫頸授轅門潛身備行列一勝何

足論

從軍十年餘能無分寸功
眾人貴苟得欲語羞雷
同中原有鬪爭况在狄與戎
丈夫四方志安可辭
固窮

同諸公登慈恩寺塔

高標跨蒼天烈風無時休
自非曠士懷登茲翻百
憂方知象教力足可追冥
搜仰穿龍蛇窟始出枝
撐幽七星在北戶河漢聲
西流羲和鞭白日少昊
行清秋秦山忽破碎涇渭
不可求俯視但一氣焉

翻百憂者所謂對此茫茫
百端交集後蒼梧黃鵠皆
於望中生感

回首四句託諷微遠末四
句正寫感懷
仰穿以下所謂渾涵茫茫
千象萬狀正是登高奇警

語若如箋解句句切時
事諷訕君父不幾稱子美
為險險輕薄人耶獨虞舜
瑤池似有寄託按舊註高
宗在東宮為文德皇后建
此寺故以慈恩名託虞舜
以思高宗託西王母以思
文德皇后也似近之附記
于此

哥舒好大喜功史稱適有
霸王之畧恐其說主將以
開疆拓土者故起手便以
焉用窮荒說入更以慎儀
場之欲其不侈遠畧養成

能辯皇州迴首叫虞舜
蒼梧雲正愁惜哉瑤池飲
日宴崑崙邱黃鵠去不息
哀鳴何所投君看隨陽
雁各有稻梁謀

送高三十五書記十五韻

崆峒小麥熟且願休王師
請公問主將安用窮荒
為饑鷹未飽肉側翅隨人
飛高生跨鞍馬有似幽
并兒脫身簿尉中始與筆
楚辭借問今何官觸熱
向武威答云一書記所愧
國士知人實不易知更
須慎其儀十年出幕府自
可持旌麾此行既特達

數語雜添

鎮靜以安邊也

足以慰所思男兒功名遂亦在老大時常恨結驩
淺各在天一涯又如參與商慘慘中腸悲驚風吹
鴻鵠不得相追隨黃塵翳沙漠念子何當歸邊城
有餘力早寄從軍詩

漢陂西南臺

高臺面蒼陂六月風日冷蒹葭離披去天水相與
永懷新目似擊接要心已領仿像識鮫人空濛辨
魚艇錯磨終南翠顛倒白閣影齒萃增光輝乘陵
惜俄頃榮生愧嚴鄭外物暮張邴世復輕驛騶吾

前半寫景後半寫情一起
清迥合人意開
此詩正有心學謝失自然
之致

轉處自見長又語多生造
可喜

甘雜鼃黽知歸俗可忽取適事莫竝身退豈待官
老來苦便靜况資菱芡足庶結茅茨迥從此具扁
舟彌年逐清景

九日寄岑參

出門復入門雨脚但如舊所向泥活活思君令人
瘦沉吟坐西軒飲食錯昏晝寸步曲江頭難爲一
相就吁嗟乎蒼生稼穡不可救安得誅雲師疇能
補天漏大明韜日月曠野號禽獸君子強透迤小
人困馳驟維南有崇山恐與川浸溜是節東籬菊

起語古健

不可學

紛披爲誰秀岑生多新詩性亦嗜醇耐采采黃金
花何由滿衣袖

苦雨奉寄隴西公兼呈王徵士

今秋乃淫雨仲月來寒風羣木水光下萬象雲氣
中所思礙行潦九里信不通悄悄素澹路迢迢天
漢東顧騰六尺馬背若孤征鴻劃見公子面超然
權笑同奮飛旣胡越局促傷樊籠一飯四五起憑
軒心力窮嘉蔬沒溷濁時菊碎榛叢鷹隼亦屈猛
烏鳶何所蒙式瞻北隣居取適南巷翁挂席釣川

漲焉知清興終

示從孫濟

平明跨驢出未知適誰門權門多噂沓且復尋諸
孫諸孫貧無事宅舍如荒村堂前自生竹堂後自
生萱萱草秋已死竹枝霜不蕃淘米少汲水汲多
井水渾刈葵莫放手放手傷葵根阿翁懶惰久覺
兒行步奔所來爲宗族亦不爲盤飧小人利口實
薄俗難具論勿受外嫌猜同姓古所敦

夜聽許十一誦詩愛而有作

語亦直盡

此下何不若之

一誦詩便得如許生色

許生五臺賓業白出石壁余亦師粲可身猶縛禪
寂何階子方便謬引為匹敵離索晚相逢包蒙欣
有擊誦詩渾遊衍四座皆辟易應手看捶鉤清心
聽鳴鏑精微穿溟滓飛動摧霹靂陶謝不枝梧風
騷共推激紫鷲自超詣翠駁誰剪剔君意人莫知
人間夜寥闐

戲簡鄭廣文虔兼呈蘇司業源明

廣文到官舍繫馬堂階下醉即騎馬歸頗遭官長
罵才名三十年坐客寒無氈賴有蘇司業時時乞

酒錢

夏日李公見訪

遠林暑氣薄公子過我遊貧居類村塢僻近城南
樓傍舍頗淳樸所須亦易求隔屋喚西家借問有
酒不牆頭過濁醪展席俯長流清風左右至客意
已驚秋巢多衆鳥喧葉密鳴蟬稠苦遭此物聒孰
謂吾廬幽水花晚色靜庶足充淹留預恐樽中盡
更起為君謀

後出塞五首

古意

寫邨景如見

此因幽州叛後而追叙其
初約畧二十年中之事按
爾時張守珪為幽州帥安
祿山僞為兵馬使耳謂即
指祿山誤甚
以議論起與前出塞筆法
自發五詩中以地名相因
見章法

是初上陣時曰令嚴曰不
驕俱非貶詞
此見出師之盛軍令之嚴
正太平氣象霍嫫姚指守
珪也尚指祿山說只緣不
看後章二十年事耳

恐是二字極婉有不可必
意亦見驕貴之况

見師非不得已便欲將帥
驕者之漸開口二語已自

了然六合一家而貪功干
北何也諷意甚微

取此以見唐人海運
此章才指祿山已顯言其
狀全為末章先作勢也壯
士不驕見王師之整主將
蓋驕見國事之危矣

此章蓋有為言之

始於召募之初終於脫身
之後中間包括二十年事
不得以一時事廢了之

男兒生世間及壯當封侯戰伐有功業焉能守舊

邱召募赴薊門軍動不可留千金買馬鞍百金裝

是初募

刀頭問里送我行親戚擁道周斑白居上列酒酣

進庶羞少年別有贈含笑看吳鉤

朝進東門營暮上河陽橋落日照大旗馬鳴風蕭

蕭平沙列萬幕部伍各見招中天懸明月令嚴夜

寂寥悲笳數聲動壯士慘不驕借問大將誰恐是

霍嫫姚

古人重守邊今人重高勲豈知英雄主出師且長

雲六合已一家四夷且孤軍遂使貔虎士奮身勇

所聞拔劍擊大荒日收胡馬羣誓開元冥北持以

奉吾君

獻凱日繼踵兩蕃靜無虞漁陽豪俠地擊鼓吹笙

竽雲帆轉遼海梗稻來東吳越羅與楚練照耀輿

亂兆已見

臺軀主將位益崇氣驕凌上都邊人不敢議議者

死路衢

我本良家子出師亦多門將驕益愁思身貴不足

論躍馬二十年恐孤明主恩坐見幽州騎長驅河

洛昏中夜間道歸故里但空村惡名倖脫免窮老
無兒孫

奉同郭給事湯東靈湫作

東山氣濛鴻宮殿居上頭君來必十月樹羽臨九
州陰火煮玉泉噴薄漲巖幽有時浴赤日光抱空
中樓閣風入轍跡曠原延冥搜沸天萬乘動觀水
百丈湫幽靈斯可怪王命官屬休初聞龍用壯擘
石摧林邱中夜窟宅改移因風雨秋倒懸瑤池影
屈注滄江流味如甘露漿揮弄滑且柔翠旗澹偃

意境恍惚縹緲極寫靈湫
之勝中寓譏意故佳

蹇雲車紛少留簫鼓蕩四冥異香泱漭浮鮫人獻
微綃曾祝沉豪牛百祥奔盛明古先莫能儔坡陀
金蠹蟻出見蓋有由至尊顧之笑王母不肯收復
歸虛無底化作黃長虬飄飄青瑣郎文采珊瑚鈎
浩歌淶水曲清絕聽者愁

自京赴奉先詠懷五百字

杜陵有布衣老大意轉拙許身一何愚竊比稷與
契居然成濩落白首甘契濶蓋棺事則已此志常
覲豁窮年憂黎元歎息腸內熱取笑同學翁浩歌

太史公云國風好色而不淫小雅怨誹而不亂離騷兼之公詠懷足以匹矣分三段篇首至放歌言其志也歲暮至周俟則道途所經北轍以下則抵家後首段每四句一轉層層跌出自許稷契本懷一氣奔

注

就所見生成已通家中困苦之脉

游宴少濫賞聚斂致民窮困樂極生悲古今詞涕

憂黎元之情觸處流露

榮枯二句既以養為使前段語意含蓄悠然不盡又上下劃界中分轉筆自見筋節此長篇斷犀手

彌激烈非無江海志蕭灑送日月生逢堯舜君不
忍便永訣當今廊廟具構厦豈云缺葵藿傾太陽
物性固難奪顧惟螻蟻輩但自求其穴胡為慕大
鯨輒擬偃溟渤以茲悟生理獨恥事干謁兀兀遂
至今忍為塵埃沒終愧巢與由未能易其節沉飲
聊自遣放歌破愁絕歲暮百草零疾風高岡裂天
衢陰崢嶸客子中夜發霜嚴衣帶斷指直不得結
凌晨過驪山御榻在喘噪虫尤塞寒空蹴踏崖谷
滑瑤池氣鬱律羽林相摩憂君臣留歡娛樂動殷

膠葛賜浴皆長纓與宴非短褐彤庭所分帛本自

寒女出鞭撻其夫家聚斂貢城闕聖人筐篚恩實

願邦國活臣如忽至理君豈棄此物多士盈朝廷

就所見以推所聞無非憂緒

仁者宜戰慄况聞內金盤盡在衛霍室中堂有神

仙煙霧蒙玉質煖客貂鼠裘悲管逐清瑟勸客馳

蹄羹霜橙壓香橘朱門酒肉臭路有凍死骨榮枯

難再述有不盡言之意

咫尺異惆悵難再述北轅就涇渭官渡又改轍羣

水從西下極目高岑兀疑是崆峒來恐觸天柱折

河梁幸未拆枝撐聲窸窣行李相攀援川廣不可

真至是二南分中語貧至
幼子飢卒生人之困極矣
而還家值秋禾偶登因復
自寬曰生免租稅名勝征
後今猶酸辛若此是平人
固多騷屑也彼失業遠戍
者更當何如遂終之以憂
墳矣

結意沉着正與憂黎元呼
應

古樸之極漸近自然此陶
阮正宗

越老妻寄異縣十口隔風雪誰能久不顧庶往共
饑渴入門聞號咷幼子餓已卒吾寧捨一哀里巷
亦嗚咽所愧爲人父無食致天折豈知秋禾登貧
窶有倉卒生常免租稅名不隸征伐撫跡猶酸辛
平人固騷屑默思失業徒因念遠戍卒憂端齊終
南澗洞不可掇

晦日尋崔戢李封

朝光入甕牖尸寢驚傲裘起行視天宇春氣漸和
柔興來不暇嬾今晨梳我頭出門無所待徒步覺

自由杖藜復恣意免值公與侯晚定崔李交會心
真罕儔每過得酒傾二宅可淹留喜結仁里懽况
因令節求李生園欲荒舊竹頗修修引客看掃除
隨時成獻酬崔侯初筵色已畏空樽愁未知天下
士至性有此不草芽旣青出蜂聲亦暖遊思見農
器陳何當甲兵休上古葛天民不貽黃屋憂至今
阮籍等熟醉爲身謀威鳳自高翔長鯨吞九州地
軸爲之翻百川皆亂流當歌欲一放淚下恐莫收
濁醪有妙理庶用慰沈浮

送率府程錄事還鄉

鄙夫行衰謝抱病昏忘集常時往還人記一不識
 十程侯晚相遇與語才傑立薰然耳目開頗覺聰
 明入千載得鮑叔末契有所及意鍾老柏青義動
 修蛇蟄若人可數見慰我垂白泣告別無淹晷百
 憂復相襲內愧突不黔庶羞以賙給素絲挈長魚
 碧酒隨玉粒途窮見交態世梗悲路澁東風吹春
 冰泱漭后土溼念君惜羽翮既飽更思戢莫作翻
 雲鶻聞呼向禽急

每用對句見力亦從頽謝
化來

白水崔少府十九翁高齋三十韻

客從南縣來浩蕩無與適旅食白日長况當朱炎
 赫高齋坐林杪信宿游齋闈清晨陪躋攀傲晚俯
 峭壁崇岡相枕帶曠野迴咫尺始知賢主人贈此
 遣愁寂危階根青冥曾冰生浙瀝上有無心雲下
 有欲落石泉聲聞復息動靜隨所激鳥呼藏其身
 有似懼彈射吏隱適情性茲焉其窟宅白水見舅
 氏諸翁乃仙伯杖藜長松下作尉窮谷僻為我炊
 雕胡逍遙展良覲坐久風頗怒晚來山更碧相對

本為時危而慨只以幽事
寫之忽入兵氣一段意境
恍惚

十丈蛟歛翻盤渦圻何得空裏雷殷殷尋地脉煙
 氛靄崑崙峯崑崙崑崙崑崙崑崙崑崙崑崙崑崙崑崙
 前軒頽反照曉絕華嶽赤兵氣漲林巒川光雜鋒
 鏑知是相公軍鐵馬雲霧積玉觴淡無味胡羯豈
 強敵長歌激屋梁淚下流衽席人生半哀樂天地
 有順逆慨彼萬國夫休明備征狄猛將紛填委廟
 謀蓄長策東郊何時開帶甲且未釋欲告清宴罷
 難拒幽明迫三歎酒食傍何由似平昔

三川觀水漲二十韻

承接亦類

此篇如昌黎誌銘純用奇險

偶爾觸目遂極言之嗜奇者驚為創獲矣

自去風人

我經華原來不復見平陸北上惟土山連天走穹
 谷火雲出無時飛電常在目自多窮岫雨行潦相
 逐蹙鬱訇川氣黃羣流會空曲清晨望高浪忽謂
 陰崖踣恐泥竄蛟龍登危聚麋鹿枯查卷拔樹礪
 魄共充塞聲吹鬼神下勢闕人代速不有萬穴歸
 何以尊四瀆及觀泉源漲反懼江海覆漂沙圻岸
 去激壑松柏禿乘凌破山門迴幹裂地軸交洛赴
 洪河及關豈信宿應沉數州沒如聽萬室哭穢濁
 殊未清風濤怒猶蓄何時通舟車陰氣不驟贖浮

生有蕩汨吾道正羈束人寰難容身石壁滑側足
雲雷屯不已艱險路更踖普天無川梁欲濟願水
縮因悲中林士未脫眾魚腹舉頭向蒼天安得騎
鴻鵠

塞蘆子

五城何迢迢迢迢滬河水邊兵盡東征城內空荆
杞思明割懷衛秀巖西未已廻略大荒來峭函蓋
虛爾延州秦北戶關防猶可倚焉得一萬人疾驅
塞蘆子岐有薛大夫旁制山賊起近聞昆戎徒為

自是風人經濟

此與留花門潼關吏直作
議論語非詩體也

退三百里蘆關扼兩寇深意實在此誰能叫帝閣
胡行速如鬼

大雲寺贊公房四首

心在水精域衣霑春雨時洞門盡徐步深院果幽
期到扉開復閉撞鐘齋及茲醍醐長發性飲食過
扶衰把臂有多日開懷無愧辭黃鸝度結構紫鴿
下架愚意會所適花邊行自遲湯休起我病微
笑索題詩

會心悠遠

得陶之神

細軟青絲履光明白氎巾深藏供老宿取用及吾

發端超悟聲調穩愜

身自顧轉無趣交情何尙新道林才不世惠遠德
過人雨瀉暮簷竹風吹春井芹天陰對圖畫最覺
潤龍鱗

燈影照無睡心清聞妙香夜深殿突兀風動金琅
璫天黑閉春院地清棲暗芳玉繩迴斷絕鐵鳳森
翱翔梵放時出寺鐘殘仍殷牀明朝在沃野苦見
塵沙黃

童兒汲井華慣提瓶上手霑灑不濡地掃除似無
帚明霞爛複閣霽霧拳高牖側塞被徑花飄颻委

湊句不雅

墀柳艱難世事迫隱遁佳期後晤語契深心那能
總鉗口奉辭還杖策暫別終回首泱泱泥汚人听
听國多狗旣未免羈絆時來憇奔走近公如白雪
執熱煩何有

雨過蘇端

鷄鳴風雨交久旱雲亦好杖藜入春泥無食起我
早諸家憶所歷一飯跡便掃蘇侯得數過歡喜每
傾倒也復可憐人呼兒具梨棗濁醪必在眼盡醉
攄懷抱紅稠屋角花碧秀牆隅草親賓縱談諠喧

真率有味

鬧慰衰老况蒙霈澤垂糧粒或自保妻孥隔軍壘
撥棄不擬道

喜晴

佳字不與六麻通公此詩及泛舟登瀛西川佳崖柴等字皆出韻

皇天久不雨既雨晴亦佳出郭眺西郊蕭蕭春增
華青熒陵陂麥窈窕桃李花春夏各有實我饑豈
無涯干戈雖橫放慘澹鬪龍蛇甘澤不猶愈且畊
今未賒丈夫則帶甲婦女終在家力難及黍稷得
種菜與麻千載商山芝往者東門瓜其人骨已朽
此道誰疵瑕英賢遇輶軻遠引蟠泥沙顧慚昧所

曲終雅奏

適回首白日斜漢陰有鹿門滄海有靈查焉能學
衆口咄咄空咨嗟

述懷

去年潼關破妻子隔絕久今夏草木長脫身得西
走麻鞋見天子衣袖露兩肘朝廷慙生還親故傷
老醜涕淚受拾遺流離主恩厚柴門雖得去未忍
卽開口寄書問三川不知家在否比聞同罹禍殺
戮到雞狗山中漏茅屋誰復依戶牖摧頽蒼松根
地冷骨未朽幾人全性命盡室豈相偶嶽岑猛虎

北征如萬頃之松中霄雲霞述懷如數尺之竹勢參霄漢其最妙處有一唱三嘆朱弦疎越之遺無一韻失所入客遭亂莫知存亡反畏書來與近家心轉切不欲問來人同然語更悲而調彌苦矣如子長叙事遇難轉佳無微不至而忠愛悱惻之意纏綿筆端公至性過人於此可見

卷一
場鬱結迴我首自寄一封書今已十月後反畏消息來寸心亦何有漢遲初中興生平老耽酒沈思歡會處恐作窮獨叟

送樊二十三侍御赴漢中判官

威弧不能弆自爾無寧歲川谷血橫流豺狼沸相噬天子從北來長驅振凋敝頓兵岐梁下卻跨沙漠裔二京陷未收四極我得制蕭索漢水清緬通淮湖稅使者紛星散王綱尚旒綬南伯從事賢君行立談際坐知七曜歷手畫三軍勢冰雪淨聰明

次序似好

雷霆走精銳幕府輟諫官朝廷無此例至尊方旰食仗爾布嘉惠補闕暮徵入柱史晨征憇正當艱難時實藉長久計迴風吹獨樹白日照執袂慟哭蒼煙根山門萬重閉居人莽牢落遊子方迢遞徘徊悲生離局促老一世陶唐歌遺民後漢更列帝我無匡復資聊欲從此逝

送韋十六評事充同谷防禦判官

昔沒賊中時潛與子同遊今歸行在所王事有去留偏側兵馬間主憂急良籌子雖軀幹小老氣橫

九州挺身艱難際張目視寇讐朝廷壯其節奉詔
令參謀鑾輿駐鳳翔同谷爲咽喉西抱弱水道南
鎮枹罕陬此邦承平日剽劫吏所羞况乃胡未滅
控帶莽悠悠府中韋使君道足示懷柔令姪才俊
茂二美又何求受詞太白脚走馬仇池頭古色沙
土裂積陰雲雪稠羌父豪猪靴羌兒青兕裘吹角
向月窟蒼山旌旆愁烏驚出死樹龍怒拔老湫古
來無人境今代橫戈矛傷哉文儒士憤激馳林邱
中原正格鬪後會何緣由百年賦命定豈料沉與
浮且復戀良友握手步道周論兵遠壑靜亦可縱
冥搜題詩得秀句札翰時相投

送長孫九侍御赴武威判官

驄馬新鑿蹄銀鞍被來好繡衣黃白郎騎向交河
道問君適萬里取別何草草天子憂涼州嚴程到
須蚤去秋羣胡反不得無電掃此行收遺眈風俗
方再造族父領元戎名聲國中老奪我同官良飄
颻按城堡使我不能餐令我惡懷抱若人才思濶
溟漲浸絕島樽前失詩流塞上得國寶皇天悲送

萬里之行說得慷慨有關
係識力起絕

遠雲雨白浩浩東郊尚烽火朝野色枯槁西極柱亦傾如何正穹昊

送從弟亞赴河西判官

讀之有猛風烈氣

起結俱竦拔不作恒語

南風作秋聲殺氣薄炎熾盛夏鷹隼擊時危異人至令弟草中來蒼然請論事詔書引上殿奮舌動天意兵法五十家爾腹為筐筥應對如轉丸疎通略文字經綸皆新語足以正神器宗廟尚為灰君臣俱下淚崆峒地無軸青海天軒輊西極最瘡痍連山暗烽燧帝曰大布衣藉卿佐元帥坐看清流

語亦

亦以此與結章法整妙

九成玉華皆唐時離宮也此云荒哉隔帝彼云不知何王皆微婉可法玉華用含蓄此用抒寫筆法各見

沙所以子奉使歸當再前席適遠非歷試須存武威郡為畫長久利孤峯石戴驛快馬金纏轡黃羊飢不羶蘆酒多還醉踴躍常人情慘澹苦士志安邊敵何有反正計始遂吾聞駕鼓車不合用騏驎龍吟迴其頭夾輔待所致

九成宮

蒼山入百里崖斷如杵臼曾宮憑風迴岌業土囊口立神扶棟梁鑿翠開戶牖其陽產靈芝其陰宿牛斗紛披長松倒揭巖怪石走哀猿啼一聲客淚

與亡在目諷規獨遠

遊林藪荒哉隋家帝製此今頽朽向使國不亡焉
為巨唐有雖無新增修尚置官居守巡非瑤水遠
跡是雕牆後我行屬時危仰望嗟歎久天王狩太
白駐馬更搔首

玉華宮

極寫蒼涼之景

溪迴松風長蒼鼠竄古瓦不知何王殿遺構絕壁
下陰房鬼火青壞道哀湍瀉萬籟真笙竽秋色正
蕭灑美人為黃土况乃粉黛假當時侍金輿故物
獨石馬憂來藉草坐浩歌淚盈把冉冉征途間誰

用意在此

不說盡興衰而獨有長年
之感婉甚

是長年者

次段叙途中所經觸目生

傷呻吟更流血回首鳳翔縣旌旗晚明滅前登寒
 山重屢得飲馬窟邠郊入地底涇水中蕩潏猛虎
 立我前蒼崖吼時裂菊垂今秋花石戴古車轍青
 雲動高興幽事亦可悅山果多瑣細羅生雜橡栗
 或紅如丹砂或黑如點漆雨露之所濡甘苦齊結
 實緬思桃源內益歎身世拙坡陀望鄜時巖谷互
 出沒我行已水濱我僕猶木末鳴臬鳴黃桑埜風
 拱亂穴夜深經戰場寒月照白骨潼關百萬師往
 者散何卒遂令半秦民殘害為異物况我墮胡塵

山果一段如畫家着色六
 義所謂興也亦曰賦而興
 古詩孔雀東南飛篇中妾
 有緜腰襦數語又太守迎
 娶一段皆與此同

一路叙景物忽接戰場一
 段關合本旨接入歸家化
 工之筆

從國說到家三段歸家所
 見

及歸盡華髮經年至茆屋妻子衣百結慟哭松聲
 迴悲泉共幽咽平生所嬌兒顏色白勝雪見耶背
 面啼垢膩脚不襪牀前兩小女補綴才過膝海圖
 拆波濤舊繡移曲折天吳及紫鳳顛倒在裋褐老
 夫情懷惡數日臥嘔泄那無囊中帛救汝寒凜慄
 粉黛亦解苞衾稠稍羅列瘦妻面復光癡女頭自
 櫛學母無不為曉粧隨手抹移時施朱鉛狼籍畫
 眉濶生還對童稚似欲忘饑渴問事競挽鬚誰能
 卽嗔喝翻思在賊愁甘受雜亂聒新歸且慰意生

從家復說到國接入時事
四段目擊時艱而致其祝
望

末段追述初亂終之以開
創之大屬望中興

其材則海涵地負其力則
排山倒岳以比物賦事之
微寫愛君憂國之情有極
尊嚴處有極瑣碎處煩處
有千門萬戶之象簡處有
急管促柱之悲關一代興
亡與國風雅頌相表裏其
惟北征乎

咏懷大篇兼雅頌羞邨三
首純乎國風矣

首章夫婦相逢悲愉交集
次章愛子之流連末章鄉
鄰之勞問如桃夭詩次第
井然一語不可撓易
遭亂生還事出意外倉猝
情景歷歷叙出敘事之工
不待言尤妙在筆力高古
愈質愈雅

卷二

接句極緊

理焉得說至尊尚蒙塵幾日休練卒仰觀天色改
坐覺妖氛豁陰風西北來慘澹隨回紇其王願助
順其俗善馳突送兵五千人驅馬一萬匹此輩少
為貴四方服勇決所用皆鷹騰破敵過箭疾聖心
頗虛佇時議氣欲奪伊洛指掌收西京不足拔官
軍請深入蓄銳可俱發此舉開青徐旋瞻略恒碣
昊天積霜露正氣有肅殺禍轉亡胡歲勢成擒胡
月胡命其能久皇綱未宜絕憶昨狼狽初事與古
先別姦臣竟蕙醢同惡隨蕩析不聞夏殷衰中自

誅褒姒周漢獲再興宣光果明哲桓桓陳將軍仗
鉞奮忠烈微爾人盡非於今國猶活淒涼大同殿
寂寞白獸闕都人望翠華佳氣向金闕園陵固有
神灑掃數不缺煌煌太宗業樹立甚宏達

羗邨三首

崢嶸赤雲西日腳下平地柴門鳥雀噪歸客千里
至妻孥怪我在驚定還拭淚世亂遭飄蕩生還偶
然遂鄰人滿牆頭感歎亦歔歔夜闌更秉燭相對
如夢寐

歲晚北風勁不可復遊樹
而幼子無知以宿昔好涼
之故仍爾依依如冀父之
必留寫來入妙

緒處急轉急收神味無窮

叙倉皇情事極盡致又極
自然妙處乃自漢魏來

清真調苦如讀太史公聶
判諸傳

寫出亂離困頓之狀偏於
細瑣處一一詳叙

早行二句包括無數行程
妙

晚歲迫偷生還家少歡趣
嬌兒不離膝畏我復却
去憶昔好追涼故繞池邊
樹蕭蕭北風勁撫事煎
百慮賴知禾黍收已覺糟
牀注如今足斟酌且用

慰遲暮

邨景

羣雞正亂叫客至雞鬪爭
驅雞上樹木始聞叩柴

存問也

荆父老四五人問我久遠
行手中各有攜傾榼濁
復清苦辭酒味薄黍地無
人耕兵革既未息兒童
盡東征請為父老歌艱難
愧深情歌罷仰天歎四
座涕縱橫

彭衙行

憶昔避賊初北走經險艱
夜深彭衙道月照白水
山盡室久徒步逢人多厚
顏參差谷鳥吟不見遊
子還癡女饑蔽我啼畏虎
狼聞懷中掩其口反側
聲愈嗔小兒強解事故索
苦李餐一旬半雷雨泥
濘相牽攀旣無禦雨備徑
滑衣又寒有時經契濶
竟日數里間埜果充糒糧
卑枝成屋椽早行石上
水暮宿天邊煙小留同家
窪欲出蘆子關故人有
孫宰高義薄曾雲延客已
曛黑張燈啟重門煖湯

前叙避賊之狼狽後言孫
宰之殷勤
意在不忘孫宰末四句收
束完密

濯我足剪紙招我魂從此出妻孥相視涕闌干衆
雛爛熳睡喚起霑盤殮誓將與夫子永結爲弟昆
遂空所坐堂安居奉我歡誰肯艱難際豁達露心
肝別來歲月周胡羯仍構患何當有翅翎飛去墮
爾前

得舍弟消息

風吹紫荆樹色與春庭暮花落辭故枝風回反無
處骨肉恩義重漂泊難相遇猶有淚成河經天復
東注

送李校書二十六韻

代北有豪鷹生子毛盡赤渥洼騏驎兒允異是虎
脊李舟名父子清峻流輩伯人間好妙年不必須
白哲十五富文史十八足賓客十九授校書二十

太史公曰其文不雅馴難
言之又曰擇其言尤雅者
此兼命意措詞而言余點
次杜詩以此

聲輝赫衆中每一見使我潛動魄自恐二男兒辛
勤養無益乾元元年春萬姓始安宅舟也衣綵衣
告我欲遠適倚門固有望歛衽就行役南登吟白
華已見楚山碧藹藹咸陽都冠蓋日雲積何時太
夫人堂上會親戚汝翁草明光天子正前席歸期

豈爛漫別意終感激顧我蓬屋姿謬通金閨籍小
來習性懶晚歲慵轉劇每愁悔吝作如覺天地窄
羨君齒髮新行已能夕惕臨岐意頗切對酒不能
嚀迴身視綠野慘澹如荒澤老雁忍春飢哀號待
枯麥時哉高飛燕絢練新羽翮長雲濕袞斜漢水
饒巨石無令軒車遲衰疾悲宿昔

義鷓行

陰崖有蒼鷹養子黑柏巔白蛇登其巢吞噬恣朝
餐雄飛遠求食雌者鳴辛酸力強不可制黃口無

奇事奇文不難其奇其老
氣縱橫無敵爲貴耳

借事比興正妙在喻處說
得痛快正意一點便足

高堂句寫得神駿如莊子
稱列子御風而行

寫得磊落如爲烈士寫照

半存其父從西歸翻身入長煙斯須領健鷓痛憤
寄所宣斗上捩孤影噉哮來九天脩鱗脫遠枝巨
顛拆老拳高空得蹭蹬短草辭蜿蜒折尾能一掉
飽腸已皆穿生雖滅衆雛死亦垂千年物情有報
復快意貴目前茲實鷲鳥最急難心炯然功成失
所往用捨何其賢近經滴水涸此事樵夫傳飄蕭
覺素髮凜欲衝儒冠人生許與分亦在顧盼間聊
爲義鷓行永激壯士肝

畫鷓行

起筆聳拔折出畫字甚佳
與劉少府畫障一起同法
妙極形容而筆力寬然有
餘不露其跡

結出感興

憂國苦心所謂窮年憂黎
元自比稷與契也北征云
此輩少為貴此詩可參看

不宜留而留不得已也不
必留而留隱憂可知

花門山所以控扼回鶻者
追嘆沙苑之留為失計故
作留花門以花門代回鶻
也

撫今追昔有二十載情事
在內正於虛處轉出真摯
之情往復數過令人低徊
無限故佳
老氣古質

高堂見生鶻颯爽動秋骨初驚無拘攣何得立突
兀乃知畫師妙巧刮造化窟寫此神俊姿充君眼
中物烏鵲滿樛枝軒然恐其出側腦看青霄寧為
眾禽沒長翮如刀劍人寰可超越乾坤空崢嶸粉
墨且蕭瑟緬思雲沙際自有煙霧質吾今意何傷
顧步獨紆鬱

留花門

北門天驕子飽肉氣勇決高秋馬肥健挾矢射漢
月自古以為患詩人厭薄伐修德使其來羈縻固
四句見不宜留

不絕何為傾國至出入暗金闕中原有驅除隱忍
用此物公主歌黃鵠君王指白日連雲屯左輔百
里見積雪長戟烏休飛哀笳曙幽咽田家最恐懼
留之害
麥倒桑枝折沙苑臨清渭泉香草豐潔渡河不用
船千騎常撇烈胡塵踰大行雜種抵京室花門既
主意
須留原野轉蕭瑟

贈衛八處士

人生不相見動如參與商今夕復何夕共此燈燭
虛起
光少壯能幾時鬢髮各已蒼訪舊半為鬼驚呼熱
實接
叙相見之情

平叙中有欽崙歷落之致

二十年中之今夕之共耳
着眼難字結正以見會面
之難

篇中以問答寫連着中男
肥男等字刺刺不休語自
悲咽一結歸美僕射正見
感佩

前半說得如許沉着後乃
以勿泣血結之用意絕佳
少陵諸樂府端咏時事得
風人諷諫遺意其音節却
自漢魏中來未易彷彿也

籍句深厚時汾陽為僕射

以叙述為議論自見筆力

開合今昔

中腸焉知二十載重上君子堂昔別君未婚兒女
忽成行怡然敬父執問我來何方問答乃未已驅
見羅酒漿夜雨剪春韭新炊間黃粱主稱會面難
一舉累十觴十觴亦不辭感子故意長明日隔山
岳世事兩茫茫

新安吏

客行新安道喧呼聞點兵借問新安吏縣小更無
丁府帖昨夜下次選中男行中男絕短小何以守
王城肥男有母送瘦男獨伶俜白水暮東流青山

猶哭聲莫自使眼枯收汝淚縱橫眼枯即見骨天
地終無情我軍收相州日夕望其平豈意賊難料
歸軍星散營就糧近故壘練卒依舊京掘壕不到
水牧馬役亦輕况乃王師順撫養甚分明送行勿
泣血僕射如父兄

潼關吏

士卒何草草築城潼關道大城鐵不如小城萬丈
餘借問潼關吏修關還備胡要我下馬行為我指
山隅連雲列戰格飛鳥不能踰胡來但自守豈復

此詩結語謂守關以人不
以險桃林之戰非不憑險
也哥舒老將特用之不得
其道耳

音急則響悲節促則意苦
最近漢魏

全在民間瑣細之語歷歷
言之見得當時人事如此

役及婦人更慘于閭左矣
宋言嫗從吏去翁夜歸公

天明登途獨與翁別也
逐一叙出正見室中無人

既用新婦自言則暮婚晨
別義宜含蓄發乎情止乎
禮義得風人之正焉刪四
語便覺渾厚

筆筆轉愈轉愈深守身之
貞從王之義俱於至情中
見出絕妙文情勿謂新婚
念一段正氣明言從兒女
情中看出所以深至

憂西都丈人視要處窄狹容單車艱難奮長戟千
古用一夫哀哉桃林戰百萬化為魚請囑防關將
慎勿學哥舒

石壕吏

暮投石壕村有吏夜捉人老翁踰牆走老婦出看
門吏呼一何怒婦啼一何苦聽婦前致詞三男鄴
城戍一男附書至二男新戰死存者且偷生死者
長已矣室中更無人惟有乳下孫有孫母未去出
人無完裙老嫗力雖衰請從吏夜歸急應河陽役

猶得備晨炊夜久語聲絕如聞泣幽咽天明登前
途獨與老翁別

新婚別

兔絲附蓬麻引蔓故不長嫁女與征夫不如棄路
傍結髮為君妻席不暖君牀暮婚晨告別無乃太
匆忙君行雖不遠守邊赴河陽妾身未分明何以
拜姑嫜父母養我時日夜令我藏生女有所歸雞
狗亦得將君今往死地沉痛迫中腸誓欲隨君去
形勢反蒼黃勿為新婚念努力事戎行婦人在軍

此典起結章法絕妙

垂老無家等題大意相似須看其貼切處可見古人用意不苟

幸有牙齒二句閑語也孰知是死別與此去不復還意復且接上大緊

新婚燕婉之情垂老激昂之氣寫來各自入情老妻一段正為垂老點綴衰盛字亦為垂老言之

激怒處彌見不堪寫出垂老無聊之况玩其許多虛字用意

中兵氣恐不揚自嗟貧家女久致羅襦裳羅襦不復施對君洗紅粧仰視百鳥飛大小必雙翔人事多錯迕與君永相望

垂老別

四郊未寧靜垂老不得安子孫陣亡盡焉用身獨完投杖出門去同行為辛酸幸有牙齒存所悲骨髓乾男兒既介冑長揖別上官老妻臥路啼歲暮衣裳單孰知是死別且復傷其寒此去必不歸還聞勸加餐土門壁甚堅杏園度亦難勢異鄴城下

老妻勸語

縱死時猶寬人生有離合豈擇衰盛端憶昔少壯日遲迴竟長歎萬國盡征戍烽火被岡巒積屍草木腥流血川原丹何鄉為樂土安敢尚盤桓棄絕蓬室居塌然摧肺肝

無家別

叙事起

寂寞天寶後園廬但蒿藜我里百餘家世亂各東西存者無消息死者為塵泥賤子因陣敗歸來尋舊蹊久行見空巷日瘦氣慘悽但對狐與狸豎毛怒我啼四隣何所有一二老寡妻宿鳥戀本枝安

承歸來句實寫

頓筆離筆

直起直接篇法自老

無家矣而猶不免從軍別離之苦反不足言矣用加倍法寫何等沉痛

中言欲別無人而以無家
別三字揔收筆法嚴整

辭且窮棲方春獨荷鋤日暮還灌畦縣吏知我至
召合習鼓鞞雖從本州役內顧無所攜近行止一
身遠去終轉迷家鄉既盪盡遠近理亦齊永痛長
病母五年委溝谿生我不得力終身兩酸嘶人生
無家別何以爲蒸黎

夏日歎

暈然高望

由六體起
夏日出東北陵天經中街朱光徹厚地鬱蒸何由
開上蒼久無雷無乃號令乖雨降不濡物良田起
黃埃飛鳥苦熱死池魚涸其泥萬人尙流冗舉目

邈然長思

典成在此
唯蒿萊至今大河北盡作虎與豺浩蕩想幽薊王
師安在哉對食不能飧我心殊未諧眇然貞觀初
難與數子偕

夏夜歎

夏日匪風下泉之感夏夜
悲天憫人之懷

是夏
永日不可暮炎蒸毒中腸安得萬里風飄颻吹我
裳昊天出華月茂林延踈光仲夏苦夜短開軒納
微涼虛明見織毫羽蟲亦飛揚物情無巨細自適
亦是興意
固其常念彼荷戈士窮年守邊疆何由一洗濯執
熱互相望竟夕擊刁斗喧聲連萬方青紫雖被體

不如早還鄉北城悲笳發鶴鶴號且翔况復煩促
應前
倦激烈思時康

立秋後題

日月不相饒節序時夜隔元蟬無停號秋燕已如
客平生獨往願惆悵年半百罷官亦由人何事拘
形役

貽阮隱居

陳留風俗衰人物世不數塞上得阮生迥繼先父
祖貧知靜者性白益毛髮古車馬入隣家蓬蒿翳

中多悟道之言

環堵清詩近道要識子用心苦尋我草徑微褰裳
踏寒雨更議居遠村避喧甘猛虎足明箕穎客榮
貴如糞土

赤谷西崦人家

躋險不自安出郊已清日溪迴日氣煖逕轉山田
熟鳥雀依茅茨藩籬帶松菊如行武陵暮欲問桃
源宿

西枝邨尋置草堂地夜宿贊公土室二首

出郭眄細岑披榛得微路溪行一流水曲折方屢

盤歷可誦

細讀二詩見分章布置之
妙

三謝正格如此始稱雋永

渡贊公湯休徒好靜心跡素昨枉霞上作盛論巖
中趣怡然共攜手恣意同遠步捫蘿澀先登陟巘
眩反顧要求陽岡煖苦涉陰嶺沍惆悵老大藤沉
吟屈蟠樹卜居意未展杖策廻且暮層巔餘落日
草蔓已多露

天寒鳥已歸月出山更靜土室延白光松門耿踈
影躋攀倦日短語樂寄夜永明燃林中薪暗汲石
底井大師京國舊德業天機秉從來支許遊興趣
江湖迥數奇謫關塞道廣存箕穎何知戎馬間復

接塵事屏幽尋豈一路遠色有諸嶺晨光稍朦朧
更越西南頂

寄贊上人

一昨陪錫杖卜隣南山幽年侵腰脚衰未便陰崖
秋重岡北面起竟日陽光留茅屋買兼土斯焉心
所求近聞西枝西有谷杉黍稠亭午頗和暖石田
又足收當期塞雨乾宿昔齒疾瘳徘徊虎穴上面
勢龍涎頭柴荆具茶茗逕路通林邱與子成二老
來往亦風流

此詩須跟西枝郵一首看
自見作法

太平寺泉眼

入手四語題境已盡

尺波寸瀾以咏海之才運之氣老詞雄足潤金石

真有神龍繞其筆端

招提憑高岡踈散連草莽出泉枯柳根汲引歲月
古石間見海眼天畔縈水府廣深丈尺間宴息敢
輕侮青白二小蛇幽姿可時覩如絲氣或上爛熳
為雲兩山頭到山下鑿井不盡土取供十方僧香
美勝牛乳北風起寒文弱藻舒翠縷明涵客衣淨
感興意結細蕩林影趣何當宅下流餘潤通藥圃三春濕黃
精一食生毛羽

昔遊

遊仙詩以陳拾遺李供奉為正公集如此篇高脫不多得也

神仙皆英雄退步回須具此胸襟

昔字起昔謁華蓋君綠袍崑玉脚玉棺已上天白日亦寂
寞暮升艮岑頂巾几猶未卻弟子四五人入來淚
俱落余時遊名山發軔在遠壑良覲違夙願含凄
向寥廓林昏罷幽磬竟夜伏石閣王喬下天壇微
月映皓鶴晨溪嚮虛馱歸徑行已昨豈辭青鞋胝
悵望金匕藥東蒙赴舊隱尙憶同志樂伏事董先
今字收生於今獨蕭索胡為客關塞道意久衰薄妻子亦
何人丹砂負前諾雖悲髮鬢變未憂筋力弱杖藜
望清秋有興入廬霍

佳人

絕代有佳人幽居在空谷自云良家子零落依草
木關中昔喪敗兄弟遭殺戮官高何足論不得收
骨肉世情惡衰歇萬事隨轉燭夫婿輕薄兒新人
美如玉合婚尙知時鴛鴦不獨宿但見新人笑那
聞舊人哭在山泉水清出山泉水濁侍婢賣珠迴
牽蘿補茅屋摘花不挿鬢采柏動盈掬天寒翠袖
薄日暮倚修竹

夢李白二首

全用招魂意點綴入情亦
從江南逐客生波

古人交道生死不渝二詩
幽情纏綿寫夢覺各極其
致

入夢明我之相憶頻夢又
見君之情親是兩首次第
夢太白述遠道之苦則青
楓黑塞宛在深宵懷台州
極論居之危則山鬼長蛇
幽然絕域筆端自具一造
化

死別已吞聲生別常惻惻江南瘴癘地逐客無消
息故人入我夢明我長相憶恐非平生魂路遠不
可測魂來楓林青魂返關塞黑今君在羅網何以
有羽翼落月滿屋梁猶疑照顏色水深波浪濶無
使蛟龍得

浮雲終日行遊子久不至三夜頻夢君情親見君
意告歸常局促苦道來不易江湖多風波舟楫恐
失墜出門搔白首若負平生志冠蓋滿京華斯人
獨顛頓孰云網恢恢將老身反累千秋萬歲名寂

莫身後事

有懷台州鄭十八司戶

天台隔三江風浪無晨暮鄭公縱得歸老病不識
 路昔如水上鷗今為罝中兔性命由他人悲辛但
 狂顧山鬼獨一脚蝮蛇長如樹號呼傍孤城歲月
 誰與度從來禦魑魅多為才名誤夫子嵇阮流更
 被時俗惡海隅微小吏眼暗髮垂素黃帽映青袍
 非供折腰具平生一杯酒見我故人遇相望無所
 成乾坤莽迴互

至情苦語讀之酸咽

深惜之詞

寄五南書并去封
全用此意高潔無人能及

遣興三首

我今日夜憂諸弟各異方不知死與生何況道路
 長避寇一分散飢寒永相望豈無柴門歸欲出畏
 虎狼仰看雲中雁禽鳥亦有行

蓬生非無根漂蕩隨高風天寒落萬里不復歸本
 叢客子念故宅三年門巷空悵望但烽火戎車滿
 關東生涯能幾何常在羈旅中

昔在洛陽時親友相追攀送客東郊道遨遊宿南
 山煙塵阻長河樹羽成臯間迴首載酒地豈無一

此因古戰場起興而有感於良將之難也

日還丈夫貴壯健慘戚非朱顏

遣興三首

下馬古戰場四顧但茫然風悲浮雲去黃葉墜我
前朽骨穴螻蟻又為蔓草纏故老行歎息今人尚
開邊漢鹵互勝負封疆不常全安得廉頗將三軍
同晏眠

高秋登寒山南望馬邑州降鹵東擊胡壯健盡不
留穹廬莽牢落上有行雲愁老弱哭道路願聞甲
兵休鄴中事反覆死人積如邱諸將已茅土載驅

鄴城之潰非無良將統御之失其道耳于是貪功固寵之徒但為目前之計此詩所由感乎如僕固懷恩可見

誰與謀

豐年孰云遲甘澤不在早耕田秋雨足禾黍已映
道春苗九月交顏色同日老勸汝衡門士勿悲尚
枯槁時來展材力先後無醜好但訝鹿皮翁忘機
對芝草

遣興五首

蟄龍三冬臥老鶴萬里心昔時賢俊人未遇猶視
今嵇康不得死孔明有知音又如壠坻松用舍在
所尋大哉霜雪餘歲久為枯林

此自傷遲暮之意而以先後同功者自遣也時當艱虞正才士立功之會如李勣侯固請還山豈真忘世者哉

建安高調

林茂二句忽一宕

正復自然如云譏陶則蠶測矣

昔者龐德公未曾入州府襄陽耆舊間處士節獨
苦豈無濟時策終竟畏羅罟林茂鳥有歸水深魚
知聚舉家隱鹿門劉表焉得取

陶潛避俗翁未必能達道觀其著詩集頗亦恨枯
槁達生豈是足默識蓋不早有子賢與愚何其挂
懷抱

蕙藉風流

賀公雅吳語在位常清狂上疏乞骸骨黃冠歸故
鄉爽氣不可致斯人今則亡山陰一茅宇江海日
清涼

賀公詩便肖其狂孟公詩
妙得其簡如子長傳屈原
相如文亦略同

吾憐孟浩然短褐卽長夜賦詩何必多徃徃凌鮑
謝清江空舊魚春雨餘甘蔗每望東南雲令人幾
悲吒

遣興五首

朔風飄胡雁慘澹帶沙礫長林何蕭蕭秋草淒更
碧北里富薰天高樓夜吹笛焉知南隣客九月猶

締綌

長陵銳頭兒出獵待明發騂弓金爪鏑白馬蹴微
雪未知所馳逐但見暮光滅歸來懸兩狼門戶有

五詩歎世之詞見勢利之
不足恃也後詩感身此詩
可稱雅秀

諷而不露

旌節

漆以用而割膏以明自煎蘭摧白露下桂折秋風
前府中羅舊尹沙道尙依然赫赫蕭京兆今爲時
所憐

無餘味

猛虎馮其威往往遭急縛雷吼徒咆哮枝撐已在
脚忽看皮寢處無復睛閃爍人有甚於斯足以勸
元惡

達者之言

此詩偶然指點不必牽合諸葛恪事

朝逢富家葬前後皆輝光共指親戚大總麻百夫
行送者各有死不須羨其強君看束練去亦得歸

山岡

遣興二首

天用莫如龍有時繫扶桑頓轡海徒涌神人身更
長性命苟不存英雄徒自強吞聲勿復道真宰意
茫茫

地用莫如馬無良復誰記此日千里鳴追風可君
意君看渥洼種態與駑駘異不雜蹄齧間逍遙有
能事

別贊上人

百川日東流客去亦不息我生苦飄蕩何時有終
極贊公釋門老放逐來上國還爲世塵嬰頗帶憔悴
色楊枝晨在手豆子雨已熟是身如浮雲安可
限南北異縣逢舊友初欣寫眉臆天長關塞寒歲
暮饑凍逼野風吹征衣欲別向曛黑馬嘶思故櫪
歸鳥盡斂翼古來聚散地宿昔長荆棘相看俱衰
年出處各努力

兩當縣吳十侍御江上宅

以江上宅起

寒城朝煙淡山谷落葉赤陰風千里來吹汝江上

承出侍御

直叙處不見筆力

宅鷓鴣號枉渚日色傍阡陌借問持斧翁幾年長
沙客哀哀失木狖矯矯避弓鬪亦知故鄉樂未敢
思宿昔昔在鳳翔都共通金閨籍天子猶蒙塵東
郊暗長戟兵家忌間諜此輩常接跡臺中領舉劾
君必慎剖析不忍殺無辜所以分白黑上官權許
與失意見遷斥仲尼甘旅人向子識損益朝廷非
不知閉口休歎息余時忝諍臣丹陛實咫尺相看
受狼狽至死難塞責行邁心多違出門無與適於
公負明義惆悵頭更白

轉入交情以已意作結邈然無盡

風景蒼涼百端交集

結語便含下數作在內

音占調鏗然有空山清磬之

音險艱方自茲恰是發足第
一步說起

苦語每為廢讀

夫惘然難久留日色隱孤戍烏啼滿城頭中宵驅
車去飲馬寒塘流磊落星月高蒼茫雲霧浮大哉
乾坤內吾道長悠悠

赤谷

與上緊接

天寒霜雪繁遊子有所之豈但歲月暮重來亦未
期晨發赤谷亭土音險艱方自茲亂石無改轍我車已
載脂山深苦多風落日童稚饑悄然邨墟迥煙火
何由追貧病轉零落故鄉不可思常恐死道路永
為高人嗤

鐵堂峽

已藏餘字

山風吹遊子縹緲乘險絕硤形藏堂隍壁色立積

前半地形

鐵徑摩穹蒼蟠石與厚地裂修織無垠竹嵌空太

後半人事

始雪威遲哀壑底徒旅慘不悅水寒長冰橫我馬

骨正折生涯抵弧矢盜賊殊未滅飄蓬踰三年回

首肝肺熱

鹽井

直而

鹵中草木白青者官鹽煙官作既有程煮鹽煙在
川汲井歲捐捐出車日連連自公斗三百轉致斛

不說行役止賦鹽井章法
自整

起自佳
鉄堂如此分疏如話

通首總見險絕意

六千君子慎止足小人苦喧闐我何良歎嗟物理固自然

寒峽

便有寒意

行邁日悄悄山谷勢多端雲門轉絕岸積阻霾天

從寒字脫下

線脈

寒寒硤不可度我實衣裳單况當仲冬交泝泐增

波瀾野人尋煙語行子傍水餐此生免荷戈未敢

辭路難

法鏡寺

用意在

身危適他州勉強終勞苦神傷山行深愁破崖寺

危苦處殊有點綴

危險之途忽然寫出破愁之境妙處令人意開

古嬋娟碧蘚淨蕭緘寒籥聚回回山根水冉冉松上雨洩雲蒙清晨初日翳復吐朱蕈半光炯戶牖粲可數拄策忘前期出蘿已亭午冥冥子規叫微徑不敢取

青陽峽

塞外苦厭山南行道彌惡岡巒相經亘雲水氣參錯林迴硤角來天窄壁面削磴西五里石奮怒向我落仰看日車側俯恐坤軸弱魑魅嘯有風霜霰浩漠漠昨憶踰隴坂高秋視吳嶽東笑蓮華卑北

此用襯法

前首清迥此首險峻正如畫家濃淡相間引人入勝

整而不排

彌惡之態曲曲寫出與前後相應

知崆峒薄超然侔壯觀已謂殷寥廓突兀猶超人
及茲歎冥漠

龍門鎮

每於兵興征戍之故着意
點出最見筆法
以鎮戍歸到本旨語意深
婉
細泉兼輕冰沮洳棧道濕不辭辛苦行迫此短景
急石門雲雪隘古鎮峯巒集旌竿暮慘澹風水白
刃澀胡馬屯成阜防虞此何及嗟爾遠戍人山寒
夜中泣

石龕

語意極古不可學
熊羆咆我東虎豹號我西我後鬼長嘯我前狻又

竟似兩截詩

題本無可刻劃只就所見
發抒感慨

啼天寒昏無日山遠道路迷驅車石龕下仲冬見
虹霓伐竹者誰子悲歌上雲梯為官採美箭五歲
供梁齊苦云直斲盡無以應提攜奈何漁陽騎颯
颯驚蒸黎

積草嶺

一路見行役之勞此詩漸
說入休頓之地與發秦州
一首相應作頓挫章法最
妙
此選體也其遣詞具見公
本色
竟如面談
連峯積長陰白日遞隱見颼颼林響交慘慘石狀
變山分積草嶺路異鳴水縣旅泊吾道窮衰年歲
時倦卜居尚百里休駕投諸彥邑有佳主人情如
已會面來書語絕妙遠客驚深眷食蕨不願餘茅

茨眼中見

泥功山

拉雜無謂

朝行青泥上暮在青泥中泥滓非一時版築勞人
功不畏道途遠乃將汨沒同白馬為鐵驪小兒成累
老翁哀猿透卻墜死鹿力所窮寄語北來人後來
莫怱怱

鳳凰臺

亭亭鳳凰臺北對西康州西伯今寂寞鳳聲亦悠
悠山峻路絕蹤石林氣高浮安得萬丈梯為君上

始以生事之艱終致中興之望此少陵本懷每飯不忘者也首云吾道未云深衷筆筆照應

接太密又惘然無外求豈徒比清流皆沒要緊話又為中晚前茅矣

全篇結穴何等澗大深表若此豈求安飽者乎全篇須十二首同看

上頭恐有無母雛饑寒日啾啾我能剖心血飲啄
慰孤愁心以當竹實炯然無外求血以當醴泉豈
徒比清流所重王者瑞敢辭微命休坐看綵翮長
舉意入極周自天銜瑞圖飛下十二樓圖以奉至
尊鳳以垂鴻猷再光中興業一洗蒼生憂深衷正
為此羣盜何淹留

萬丈潭

青溪含冥冥神物有顯晦龍依積水蟠窟壓萬丈
內跼步凌垠堦側身下煙靄前臨洪濤寬卻立蒼

潭之奇險在龍之窟穴極寫萬丈二字有深不可測之勢
調整以暇詞典以則自有奇氣行之即鮑謝不易捕

尤妙處無一語閒設

少陵山水詩亦取徑大謝而清迥之氣時出其上

句句是初到旋發感慨深至可稱大雅之音

石大山危一徑盡岸絕兩壁對削成根虛無倒影
垂澹澗黑知灣濶底清見光炯碎孤雲到來深飛
鳥不在外高蘿成帷幄寒木壘旌旆遠川曲通流
歎竇潛洩瀨造幽無人境發興自我輩告歸遺恨
多將老斯遊最閉藏修鱗蝨出入巨石礙何當炎
天過快意風雨會

發同谷縣

是起手語

賢有不黔突聖有不煖席况我饑愚人焉能尙安
宅始來茲山中休駕喜地僻奈何迫物累一歲四

初到

再發

透入骨髓

下詩餘字意

結出本意

語出鍾鍊却有踈疎落落之致老于古者能之
起四句便將路途逐一寫出來去了然所以補出前首所未及也前言遠適虛籠也此言赴蜀實指也此詩須見艱險之始

行役忡忡去絕境杳杳更遠適停驂龍潭雲迴首
虎崖石臨岐別數子握手淚再滴交情無舊深窮
老多慘感平生懶拙意偶值棲遁跡去住與願違
仰慚林間翮

將入蜀

木皮嶺

首路栗亭西尙想鳳凰郵季冬攜童稚辛苦赴蜀
門南登木皮嶺艱險不易論汗流被我體祁寒爲
之暄遠岫爭輔佐千巖自崩奔始知五嶽外別有
他山尊仰干塞大明俯入裂厚坤再聞虎豹鬪屢

以遠勢言

以近地言
踞風水昏高有廢閣道摧折如斷轅下有冬青林
石上走長根西崖特秀發煥若靈芝繁潤聚金碧
氣清無沙土痕憶觀崑崙圖目擊元圃存對此欲
何適默傷垂老魂

白沙渡

畏途字領起

從陸入舟

山行水復歷歷寫出移他處不得
尚有選意
蒼茫可畏接下洗愁辛意更爾生動

漢天寒荒野外日暮中流半我馬向北嘶山猿飲
相喚水清石礚礚沙白灘漫漫迥然洗愁辛多病
一踈散高壁抵嶽崑洪濤越凌亂臨風獨回首攬

對岸

渡後從舟登陸

響復三歎

水會渡

一筆提起

路暗

地險

同一渡也須看其變化處
以中夜字作至月沒星乾總言夜行之險

山行有常程中夜尙未安微月沒已久崖傾路何
難大江動我前洶若溟渤寬篙師暗理楫歌笑輕

月沒光景

波瀾霜濃木石滑風急手足寒入舟已千憂陟巘

用反筆襯拓

仍萬盤迥出積水外始知衆星乾遠遊令人瘦衰
疾慙加餐

飛仙閣

土門山行窄微徑緣秋毫棧雲闌千峻梯石結構

實歷語寫出却妙絕如人之所欲言

奇句

出語健爽不事鋪排而刻劃已至故為老筆

棧道之險始於此見故一結尤致感懷

太白詩富貴與神仙蹉跎成兩失公此篇結句俱令壯士三嘆

令人有桃源仇池之想

前後都見險惡獨於此寫出山水之佳終為容意吾廬之感乃是主意此又見文法變化頓挫之妙

牢萬壑欹踈林積陰帶奔濤寒日外澹泊長風中

觀出險峻

怒號歇鞍在地底始覺所歷高往來雜坐臥人馬

同疲勞浮生有定分饑飽豈可逃歎息謂妻子我

何隨汝曹

五盤

五盤雖云險山色佳有餘仰凌棧道細俯映江木

䟽地僻無網罟水清反多魚好鳥不妄飛野人半

巢居喜見淳樸俗坦然心神舒東郊尚格鬪巨猾

何時除故鄉有弟妹流落隨邱墟逗出成都成都萬事好豈

若歸吾廬

龍門閣

清江下龍門絕壁無尺土長風駕高浪浩浩自太

古危途中縈盤仰望垂綫縷滑石欹誰鑿浮梁裊

相拄目眩隕雜花頭風吹過雨百年不敢料一墜

那得取飽聞經瞿唐足見度大庾終身歷艱險恐

懼從此數

石櫃閣

季冬日已長山晚半天赤蜀道多早花江間饒奇

綫索

以江之奔放寫閣之欹傾山水之險兼之矣

渾雄

以恐懼結出本意

佳處如畫畫亦不到

與前首章法又變

即入幽意却正見感慨故佳

石石櫃曾波上臨寫景虛蕩高壁清暉回羣鷗暝色帶寫出層波上
遠客羈棲負幽意感歎向絕跡信甘孱懦嬰不獨
凍餒追優游謝康樂放浪陶彭澤吾衰未自由謝
爾性所適

桔柏渡

獨見清曠之氣結句仍入險途與前二渡作法又別此為江路總收下便是入劍門矣文法清迥

青冥寒江渡架竹為長橋竿溼煙漠漠江永風蕭
蕭連竿動嫋娜征衣颯颯急流鳴鷁散絕岸鼉
鼉騎西轅自茲異東逝不可要高通荆門路潤會
滄海潮孤光隱顧盼遊子悵寂寥無以洗心胷前

仍結山行應西轅

登但山椒

劍門

險字總收

此為入蜀門戶獨著議論更見作法

文采自雄遂超議論之劫令後人為之便多露語由其筆力之弱耳

惟天有設險劍門天下壯連山抱西南石角皆北
向兩崖崇墉倚刻畫城郭狀一夫怒臨關百萬未
可傍川嶽儲精英天府興寶藏珠玉走中原岷峨
氣悽愴三皇五帝前雞犬各相放後王尚柔遠職
貢道已喪至今英雄人高視是霸王并吞與割據
極力不相讓吾將罪真宰意欲鏟疊嶂恐此復偶
然臨風默惆悵

俯仰古今當與劍門並峙

前是設險之境後乃設險之情一氣轉折自如

一結更遠

起同用連山字前是當險此為世險筆法分明如畫

鹿頭山

鹿頭何亭亭是日慰饑渴連山西南斷俯見千里

豁遊子出京華劍門不可越及茲險阻盡始喜原

脫完險字

野濶殊方昔三分霸氣曾間發天下今一家雲端

失雙闕悠然想揚馬繼起名碑兀有文令人傷何

處理爾骨紆餘脂膏地慘澹豪俠窟仗鉞非老臣

宣風豈專達冀公柱石姿論道邦國活斯人亦何

幸公鎮踰歲月

成都府

翳翳桑榆日照我征衣裳我行山川異忽在天一

方但逢新人民未卜見故鄉大江東流去遊子曰

綏索

月長曾城填華屋季冬樹木蒼喧然名都會吹簫

間笙簧信美無與適側身望川梁鳥雀夜各歸中

原杳茫茫初月出不高眾星尚爭光自古有羈旅

我何苦哀傷

贈蜀僧閻邱師兄

大師銅梁秀籍籍名家孫嗚呼先博士炳靈精氣

奔惟昔武皇后臨軒御乾坤多士盡儒冠墨客藹

讀之心目一開蓋詩亦有自險而平中含超曠之致公直以山川為性靈耳

自秦州入蜀歷歷可數此賦家文法也其着句亦從天謝來而加之變化柳州秦州諸游記頗類此

未句與初發同谷四語相應秦州紀行致望中與入蜀紀行感懷羈旅正見文法之變

此篇雖備極委曲而乏神韻然細玩之自是清老圓轉

雲屯當時上紫殿不獨卿相尊世傳間邱筆峻極
逾崑崙鳳藏丹霄暮龍去白水渾青熒雪嶺東碑
碣舊製存斯文散都邑高價越璵璠晚看作者意
妙絕與誰論吾祖詩冠古同年蒙主恩豫章夾日
月歲久空深根小子思疎濶豈能達詞門窮愁一
揮淚相遇卽諸昆我住錦官城兄居秣樹園地近
慰旅愁往來當卽樊天涯歇滯雨稷稻臥不翻漂
然薄遊倦始與道侶敦景晏步修廊而無車馬喧
夜闌接軟語落月如金盤漠漠世界黑驅驅爭奪

繁惟有摩尼珠可照濁水源

泛溪

落景下高堂進舟泛廻溪誰謂築居小未盡喬木
西遠郊信荒僻秋色有餘淒練練峯上雪纖纖雲
表霓兒童戲左右罟弋畢提攜翻倒荷菱亂指揮
徑路迷得魚已割鱗採蕩不洗泥人情逐鮮美物
賤事跡睽吾邨靄暝姿異舍雞亦棲蕭條欲何適
出處勢可齊衣上見新月霜中登故畦濁醪自初
熟東城多鼓鼙

病柏

有柏生崇岡童童狀車蓋偃蹇龍虎姿主當風雲
 會神明依正直故老多再拜豈知千年根中路顏
 色壞出非不得地蟠據亦高大歲寒忽無憑日夜
 柯葉改丹鳳領九雛哀鳴翔其外鴟鴞志意滿養
 子穿穴內客從何鄉來佇立久吁怪靜求元精理
 浩蕩難倚賴

紛披老致設色更佳

病橘

羣橘少生意雖多亦奚為惜哉結實小酸澀如棠

名者之言借往事為戒

梨剖之盡蠹蟲采掇爽其宜紛然不適口豈止存
 其皮蕭蕭半死葉未忍別故枝元冬霜雪積况乃
 迴風吹嘗聞蓬萊殿羅列瀟湘姿此物歲不稔玉
 食失光輝寇盜尚憑陵當君減膳時汝病是天意
 吾愁罪有司憶昔南海使奔騰獻荔支百馬死山
 谷到今耆舊悲

枯椶

蜀門多椶欄高者十八九其皮割剝甚雖眾亦易
 朽徒布如雲葉青青歲寒後交橫集斧斤凋喪先

不必微此合則兩傷

蒲柳傷時苦軍乏一物官盡取嗟爾江漢人生成
復何有有同枯椽木使我沈歎久死者即已休生
者何自守啾啾黃雀啁側見寒蓬走念爾形影乾
摧殘沒藜莠

枯柎

梗柎枯崢嶸鄉黨皆莫記不知幾百歲慘憺無生
意上枝摩蒼天下根蟠厚地巨圍雷霆折萬孔蟲
蟻萃凍雨落流膠衝風奪佳氣白鵠遂不來天鷄
為愁思猶含棟梁具無復霄漢志良工古昔少識

此寫枯敗須有典致如空
梁落燕泥正於意外見其
荒涼王子安滕王閣詩畫
棟珠簾亦然吾取杜亦如
此

者出涕淚種榆水中央成長何容易截承金露盤
裊裊不自畏

江頭五詠其後三首
為五律

丁香

丁香體柔弱亂結枝猶墊細葉帶浮毛踈花披素
艷深栽小齋後庶使幽人占晚墮蘭麝中休懷粉
身念

麗春

百草競春華麗春應最勝少須顏色好多漫枝條

卷三
賸紛紛桃李枝處處總能移如何此貴重卻怕有人知

屏跡三首

其後二首
爲五律

衰年甘屏跡幽事供高臥鳥下竹根行龜開萍葉
過年荒酒價乏日併園蔬課獨酌甘泉歌歌長擊
樽破

遭田父泥飲美嚴中丞

步屣隨春風郵郵自花柳田翁逼社日邀我嘗春
酒酒酣誇新尹畜眼未見有迴頭指大男渠是弓

僕而有致所以可誦但微
世議論

弩手名在飛騎籍長番歲時久前日放營農辛苦
救衰朽差科死則已誓不舉家走今年大作社拾
遺能任否叫婦開大瓶盆中爲吾取感此氣揚揚
須知風化首語多雖雜亂說尹終在口朝來偶然
出自卯將及酉久客惜人情如何拒隣叟高聲索
果栗欲起時被肘指揮過無禮未覺村野醜月出
遮我畱仍嗔問升斗

戲贈友二首

元年建巳月郎有焦校書自誇足膂力能騎生馬

存二作以見于支紀月之
異

駒一朝被馬踏脣裂板齒無壯心不肯已欲得東擒胡

元年建巳月官有王司直馬驚折左臂骨折面如墨駑駘漫深泥何不避雨色勸君休歎恨未必不為福

大雨

西蜀冬不雪春農尚嗷嗷上天回哀眷朱夏雲鬱陶執熱乃沸鼎織絺成縵袍風雷颯萬里霈澤施蓬蒿敢辭茅葦漏已喜黍豆高三日無行人二江

語出實際先後有章

聲怒號流惡邑里清矧茲遠江臯荒庭步鶴鶴隱几望波濤沉疴聚藥餌頓忘所進勞則知潤物功可以貸不毛陰色靜壠畝勸耕自官曹四隣耒耜出何必吾家操

溪漲

當時浣花橋溪水纔尺餘白石明可把水中有行車秋夏忽泛溢豈惟入吾廬蛟龍亦狼狽况是鼈與魚茲晨已半落歸路跬步踈馬嘶未敢動前有深填淤青青屋東麻散亂床上書不知遠山雨夜

處處無一語落空

念四隣舉未則不必自揀
因入邨晚憩則推及久客
何等用心

來復何如我遊都市間
晚憇必邨墟乃知久行客
終日思其居

冬到金華山觀因得故拾遺陳公學堂遺跡
涪右衆山內金華紫崔嵬
上有蔚藍天垂光抱瓊
臺繫舟接絕壁杖策窮縈回
四顧俯層巔淡然川
谷開雪嶺日色死霜鴻
有餘哀焚香玉女跪霧裏
仙人來陳公讀書堂
石柱灰青苔悲風爲我起
激烈傷雄才

陳拾遺故宅

次第得宜其雅處在氣骨
非可襲取也

悲壯之篇足爲陳公吐氣

拾遺平昔居大屋尙修椽
悠揚荒山日慘澹故園
煙位下曷足傷所貴者
聖賢有才繼騷雅哲匠
不比肩公生楊馬後名
與日月懸同遊英俊人多
秉輔佐權彥昭超玉價
郭震起通泉到今素壁滑
灑翰銀鈎連盛事會一時
此堂豈千年終古立忠義
感遇有遺篇

謁文公上方

野寺隱喬木山僧高下居
石門日色異絳氣橫扶
踈窈窕入風磴長蘿紛卷
舒庭前猛虎臥遂得文

極狀高人

出感遇妙

用菴語未見超脫

公廬俯視萬家邑煙塵對堦除吾師雨花外不下
十年餘長者自布金禪龕只宴如大珠脫玷翳白
月當空虛甫也南北人蕪蔓少耘鋤久遭詩酒污
何事忝簪裾王侯與螻蟻同盡隨邱墟願聞第一
義迴向心地初金篦刮眼膜價重百車渠無生有
汲引茲理儻吹噓

奉贈射洪李四丈

丈人屋上烏人好烏亦好人生意氣豁不在相逢
早南京亂初定所向色枯槁遊子無根株茅齋付
秋草東征下月峽挂席窮海島萬里須十金妻孥
未相保蒼茫風塵際躑躅騏驎老志士懷感傷心
胸已傾倒

早發射洪縣南途中作

將老憂貧寡筋力豈能及征途乃侵星得使諸病
入鄙人寡道氣在困無獨立傲裝逐徒侶達曙凌
險澀寒日出霧遲清江轉山惡僕夫行不進鴛馬
若維繫汀洲稍踈散風景開快悒空慰所尚懷終
非曩遊集衰顏偶一破勝事難屢挹茫然阮籍途

真氣滌洄

更灑楊朱泣

通泉驛南去通泉縣十五里山水作

溪行衣自溼亭午氣始散冬温蚊蚋集人遠鳧鴨
亂登頓生會陰欹傾出高岸驛樓衰柳側縣郭輕
煙畔一川何綺麗盡日窮壯觀山色遠寂寞江光
多滋漫傷時愧孔父去國同王粲我生苦飄零所
歷有嗟歎

過郭代公故宅

豪俊初未遇其跡或脫略代公尉通泉放意何自

拾遺宅感慨之情代公
英雄之色

若及夫登袞冕直氣森噴薄磊落見異人豈伊常
情度定策神龍後宮中翕清廓俄頃辨尊親指揮
存顧託羣公有慚色土室無削弱迥出名臣上丹
青照臺閣我行得遺跡池館皆疏鑿壯公臨事斷
顧步涕橫落精魄凜如在所歷終蕭索高咏寶劍
篇神交付冥漠

觀薛稷少保書畫壁

少保有古風得之陝郊篇惜哉功名忤但見書畫
傳我游梓州東遺跡涪江邊畫藏青蓮界書入金

高古絕倫馳騁左馬

狀得出

上下千載一脉相關

榜懸仰看垂露姿不崩亦不騫鬱鬱三大字蛟龍
岌相纏又揮西方變發地扶屋椽慘淡壁飛動到
今色未填此行叠壯觀郭薛俱才賢不知百載後
誰復來通泉

通泉縣署壁後薛少保畫鶴

薛公十一鶴皆寫青田真畫色久欲盡蒼然猶出
塵低昂各有意磊落如長人佳此志氣遠豈惟粉
墨新萬里不以力羣遊森會神威遲白鳳態非是
倉鷓鄰高堂未傾覆常得慰嘉賓曝露牆壁外終

寫馬得其神駿寫鶴得其
高逸皆絕構也

結更得力

嗟風雨頻赤霄有真骨恥飲滂池津冥冥任所往
脫略誰能馴

寄題江外草堂

我生性放誕難欲逃自然嗜酒愛風竹卜居必林
泉遭亂到蜀江臥疴遣所便誅茅初一畝廣地方
連延經營上元始斷手寶應年敢謀土木麗自覺
面勢堅臺亭隨高下做豁當清川惟有會心侶數
能同釣船干戈未偃息安得酣歌眠蛟龍無定窟
黃鵠摩蒼天古來賢達士寧受外物牽顧惟魯鈍

酒序妥適

卷三
姿豈識悔吝先偶攜老妻去慘澹凌風煙事跡無
固必幽貞媿雙全尙念四小松蔓草易拘纏霜骨
不堪長永爲隣里憐

喜雨

春旱天地昏日色赤如血農事都已休兵戈況騷
屑巴人困軍須慟哭厚土熱滄江夜來雨眞宰罪
一雪穀根小蘇息沴氣終不滅何由見寧歲解我
憂思結崢嶸羣山雲交會未斷絕安得鞭雷公滂
沱洗吳越

述古三首

賦比相兼名論不朽
赤驥頓長纓非無萬里姿悲鳴淚至地爲問馭者
誰鳳凰從東來何意復高飛竹花不結實念子忍
朝饑古時君臣合可以物理推賢人識定分進退
固其宜

市人日中集於利競錐刀置膏烈火上哀哀自煎
熬農人望歲稔相率除蓬蒿所務穀爲本邪贏無
乃勞舜舉十六相身尊道何高秦時任商鞅法令
如牛毛

未段直當雅頌讀蘇端明
目此四句爲稷契分中語
知言哉

漢光得天下祚永固有開豈惟高祖聖功自蕭曹
來經綸中興業何代無長才吾慕寇鄧勲濟時信
良哉耿賈亦宗臣羽翼共徘徊休運終四百圖畫
在雲臺

櫻拂子

櫻拂且薄陋豈知身効能不堪代白羽有足除青
蠅熒熒金錯刀擢擢朱絲繩非獨顏色好亦用顧
盼稱吾老抱疾病家貧臥炎蒸咂膚倦撲滅賴爾
甘服膺物微世競棄義在誰肯徵三歲清秋至未

宰相如此用心天下無弃
才矣

敢闕緘滕

閩州東樓筵奉送十一舅往青城得昏字

曾城有高樓制古丹雘存迢迢百餘尺豁達開四
門雖有車馬容而無人世喧遊目俯大江列筵慰
別魂是時秋冬交節往顏色昏天寒鳥獸伏霜露
在草根今我送舅氏萬感集清樽豈伊山川間迴
首盜賊繁高賢意不暇王命久崩奔臨風欲慟哭
聲出已復吞

山寺

厚道格言與班燒好團扇
篇各有至意

朱脱化

野寺根石壁諸龕遍崔嵬前佛不復辨百身一莓
苔雖有古殿存世尊亦塵埃如聞龍象泣足令信
者哀使君騎紫馬捧擁從西來樹羽靜千里臨江
久徘徊山僧衣藍縷告訴棟梁摧公爲顧賓從咄
嗟檀施開吾知多羅樹卻倚蓮華臺諸天必歡喜
鬼物無嫌猜以茲撫士卒孰曰非周才窮子失淨
處高人憂禍胎歲晏風破肉荒林寒可迴思量入
道苦自哂同嬰孩

將適吳楚畱別章使君畱後兼幕府諸公得

柳字

我來入蜀門歲月亦已久豈惟長兒童自覺成老
醜常恐性坦率失身爲杯酒近辭痛飲徒折節萬
夫後昔如縱壑魚今如喪家狗旣無遊方戀行止
復何有相逢半新故取別隨薄厚不意青草湖扁
舟落吾手眷眷章梓州開筵俯高柳樓前出騎馬
帳下羅賓友健兒簸紅旗此樂或難朽日車隱崑
崙鳥雀噪戶牖波濤未足畏三峽徒雷吼所憂盜
賊多重見衣冠走中原消息斷黃屋今安否終作

大有不平詩云厥罰交迭
冷此篇頗露

適荆蠻安排用莊叟隨雲拜東皇挂席上南斗有
使卽寄書無使長廻首

卷四

五古詩四十二首

贈別賀蘭鈺

黃雀飽野粟羣飛動荆榛今君抱何恨寂寞向時
人老驥倦驤首蒼鷹愁易馴高賢世未識固合嬰
饑貧國步初返正乾坤尙風塵悲歌鬢髮白遠赴
湘吳春我戀岷下芋君思千里蓴生離與死別自
古鼻酸辛

南池

崢嶸巴閬間所同盡山谷安知有蒼池萬頃浸坤
 軸呀然閬坂打沈巴江腹也、具縣稷稻共
 比屋皇天不無意美利戒止足高田失西成此物
 頗豐熟清源多衆魚遠岸富喬木獨歎楓香林春
 時好顏色南有漢主祠終朝走巫祝歌舞散靈衣
 荒哉舊風俗高皇亦明王魂魄猶正直不應空陂
 上縹緲反多事親酒肉淫祀自古昔非唯一川瀆干戈浩
 茫茫地僻傷極目平生江海興遭亂身局促駐馬
 問漁舟躊躇慰羈束

草堂

昔我去草堂蠻彝塞成都今我歸草堂成都適無
 虞請陳初亂時反覆乃須臾大將赴朝廷羣小起
 異圖中宵斬白馬盟歃氣已麤西取邛南兵北斷
 劔閣隅布衣數十人亦擁專城居其勢不兩大始
 聞蕃漢殊西卒卻倒戈賊臣互相誅焉知肘腋禍
 自及梟獍徒義士皆痛憤紀綱亂相踰一國實三
 公萬人欲爲唱和作威福孰肯無辜眼前列
 柎械背後吹笙竽談笑行殺戮濺血滿長衢到今

喪亂之悲史卒之慘如繪
 圖而觀深於痛哭但辭亦
 燕雜

結語悲甚但未極淳雅

用鉞地風雨聞號呼鬼妾與鬼馬色悲充爾娛國
家法令在此入足驚呌賤子且奔走三年望東吳
弧矢暗江海難爲遊五湖不忍竟舍此復來雍榛
蕪入門四松在步履萬竹疎舊犬喜我歸低徊入
衣裾隣里喜我歸沽酒攜胡蘆大官喜我來遣騎
問所須城郭喜我來賓客隘邨墟天下尙未寧健
兒勝腐儒飄飄風塵際何地置老夫於時見疣贅
骨髓幸未枯飲啄媿殘生食薇不敢餘

四松

四松初移時大抵三尺強別來忽三載離立如人
長會看根不拔莫計枝凋傷幽色幸秀發疎柯亦
昂藏所插小藩籬本亦有隄防終然振撥損得恹
千葉黃敢爲故林主黎庶猶未康避賊今始歸春
草滿空堂覽物歎衰謝及茲慰淒涼清風爲我起
洒面若微霜足爲送老資聊待偃蓋張我生無根
帶配爾亦茫茫有情且賦詩事迹兩可忘勿矜千
載後慘澹蟠穹蒼

水檻

情多于聲見故人身分

蒼江多風颺雲雨晝夜飛茅軒駕巨浪焉得不低
垂遊子久在外門戶無人持高岸尙爲谷何傷浮
柱欹扶顛有勸誠恐貽識者嗤旣殊大厦傾可以
一木支臨川視萬里何必欄檻爲人生感故物慷
慨有餘悲

破船

平生江海心宿昔具扁舟豈惟青溪上日傍柴門
遊蒼皇避亂兵緬邈懷舊邱隣人亦已非野竹獨
修修舩舷不重扣埋沒已經秋仰看西飛翼下媿

寫出曠達

東逝流故者或可掘新者亦易求所悲數奔竄白
屋難久留

揚旗

江雨颯長夏府中有餘清我公會賓客肅肅有異
聲初筵闋軍裝羅列昭廣庭庭空六馬入駮駮揚
旗旌迴迴偃飛蓋熠熠迸流星來纏風颺急去擘
山嶽傾材歸俯身盡妙取略地平虹霓就掌握舒
卷隨人輕三州陷犬戎但見西嶺青公來練猛士
欲奪天邊城此堂不易升庸蜀日已寧吾徒且加

賦事寫物無微不至

餐休適蠻與荆

送韋諷上閩州錄事參軍

國步猶艱難兵革未衰息萬方哀嗷嗷十載供軍
食庶官務割剝不暇憂反側誅求何多門賢者貴
爲德韋生富春秋洞澈有清識操持紀綱地喜見
朱絲直當令豪奪吏自此無顏色必若救瘡痍先
應去蝥賊揮淚臨大江高天意淒惻行行樹佳政
慰我深相憶

與上意同

太子張舍人遺織成褥段

客從西北來遺我翠織成開緘風濤湧中有掉尾
鯨逶迤羅水族瑣細不足名客云充君褥承君終
宴榮空堂翹翹走高枕形神清領客珍重意顧我
非公卿畱之懼不祥施之混柴荆服飾定尊卑大
哉萬古程今我一賤老褫褐更無營煌煌珠宮物
寢處禍所嬰歎息當路子干戈尙縱橫掌握有權
柄衣馬自肥輕李鼎死岐陽實以驕貴盈來瑱賜
白盡氣豪直阻兵皆聞黃金多坐見悔吝生奈何
田舍翁受此厚貺情錦鯨卷還客始覺心和平振

數語亦似太甚率筆不可學

我麤席塵媿客茹藜羹

別唐十五誠因寄禮部賈侍郎

九載一相逢百年能幾何復為萬里別送子山之
阿白鶴久同林潛魚本同河未知棲集期衰老強
高歌歌罷兩悽惻六龍忽蹉跎相視髮皓白况難
駐羲和胡星墜燕地漢將仍橫戈蕭條四海內人
少豺虎多少人慎莫投多虎信所過饑有易子食
獸猶畏虞羅子負經濟才天門鬱嗟峨飄飄適東
周來往若崩波南宮吾故人白馬金盤陀雄筆映

博折煩雜

千古見賢心靡他念子善師事歲寒守舊柯為吾
謝賈公病肺臥江沱

除草

草有害於人會何生阻修其毒甚蜂蠆其多彌道
周清晨步前林江色未散憂芒刺在我眼焉能待
高秋霜露一霑凝蕙葉亦難留荷鋤先童稚日入
仍討求轉致水中央豈無雙釣舟頑根易滋蔓敢
使依舊邱自茲藩籬曠更覺松竹幽芟夷不可闕
疾惡信如讐

結太促便似湊句

起四句得竹之精神

曲折入情

營屋

我有陰江竹能令朱夏寒陰通積水內高入浮雲
端甚疑鬼物憑不顧剪伐殘東偏若面勢戶牖永
可安愛惜已六載茲晨去千竿蕭蕭見白日洵洵
開奔湍度堂匪華麗養拙異考槃草茅雖薙葺衰
疾方少寬洗然順所適此足代加餐寂無斤斧響
庶遂憇息歡

三韻三首

高馬勿唾面長魚無損鱗辱馬馬毛焦困魚魚有

結句想見經營甫畢煥然落成之喜

不必緊疊上二句

有拙意

神君看磊落士不肯易其身
蕩蕩萬斛船影若揚白虹起樯必椎牛挂席集衆
功自非風動天莫置大水中
烈士惡多門小人自同調名利苟可取殺身傍權
要何當官曹清爾輩堪一笑

宿青溪驛奉懷張員外十五兄之緒

漾舟千山內日入泊枉渚我生本飄飄今復在何
許石根青楓林猿鳥聚儔侶月明遊子靜畏虎不
得語中夜懷友朋乾坤此深阻浩蕩前後間佳期

杵處自古典會語只就眼前拈得便臻絕頂然非老手却道不礙

赴荆楚

水閣朝霽奉簡雲安嚴明府

東城抱春岑江閣隣石面崔嵬晨雲白朝日射芳
甸雨檻卧花叢風床展書卷鈎簾宿鷺起丸藥流
鶯囀呼婢取酒壺續兒誦文選晚交嚴明府矧此
數相見

杜鵑

西川有杜鵑東川無杜鵑涪萬無杜鵑雲安有杜
鵑我昔遊錦城結廬錦水邊有竹一頃餘喬木上

起四句有謂法漢人蓬萊何田田然起手重四鵑字則可不應猶解事杜鵑更押一鵑字也或論此為奇皆詩歸一派議論誤之耳當依別本作題下註得此推宕全詩筋節俱動

古詞徵詞

參天杜鵑暮春至哀哀叫其間我見常再拜重是
古帝魂生子百鳥巢百鳥不敢嗔仍為餒其子禮
若奉至尊鴻雁及羔羊有禮太古前行飛與跪乳
識序如知恩聖賢古法則付與後世傳君看禽鳥
情猶解事杜鵑今忽暮春間值我病經年身病不
能拜淚下如迸泉

石硯

平公今詩伯秀發吾所羨奉使三峽中長嘯得石
硯巨璞禹鑿餘異狀君獨見其滑乃波濤其光或

一起奔放

樸矣然自秀

雷電聯坳各盡墨多水遞隱見揮灑容數人十手
可對面比公頭上冠貞質未爲賤當公賦佳句况
得終清宴公含起草姿不遠明光殿致於丹青地
知汝隨顧盼

贈鄭十八賁

温温士君子令我懷抱盡靈芝冠衆芳安得闕親
近遭亂意不歸竄身跡非隱細人尙姑息吾子色
愈謹高懷見物理識者安肯哂卑飛欲何待捷徑
應未忍示我百篇文詩家一標準羈離交屈宋牢

湊句

落值顏閔水陸迷畏途藥餌駐修軫古人日已遠
青史字不泯步趾咏唐虞追隨飯葵葶數杯資好
事異味煩縣尹心雖在朝謁力與願矛盾抱病排
金門衰容豈爲斂

別蔡十四著作

賈生慟哭後寥落無其人安知蔡夫子高義邁等
倫獻書謁皇帝志已清風塵流涕灑丹極萬乘爲
酸辛天地則瘡痍朝廷多正臣異才復間出周道
日惟新使蜀見知己別顏始一伸主人薨城府扶

楓歸咸秦巴道此相逢會我病江濱憶念鳳翔都
聚散俄十春我衰不足道但願子意陳稍令社稷
安自契魚水親我雖消渴甚敢忘帝力勤尚思未
朽骨復覩耕桑民積水駕二峽浮龍倚長津揚舲
洪濤間仗子濟物身鞍馬下秦塞王城通北辰元
甲聚不散兵久食恐貧窮谷無粟帛使者來相因
若馮南轅吏書札到天垠

客居

客居所居堂前江後山根下塹萬尋岸蒼濤鬱飛

少陵五古晚年有此一種
累滯蹇塞之筆不可學亦
正不必學

寫得到以下雜矣

翻葱青衆木梢邪豎雜石痕子規晝夜啼壯士歛
精魂峽開四千里水合數百源人虎相半居相傷
終兩存蜀麻久不來吳鹽擁荆門西南失大將商
旅自星奔今又降元戎已聞動行軒舟子候利涉
亦憑節制尊我在路中央生理不得論臥愁病腳
廢徐步視小園短畦帶碧草悵望思王孫鳳隨其
鳳去籬雀暮喧繁覽物想故國十年別荒邨日暮
歸幾翼北林空自昏安得覆八溟爲君洗乾坤稷
契易爲力犬戎何足吞儒生老無成臣子憂四藩

補漆

何所指

篋中有舊筆情至時復援

客堂

憶昨離少城而今異楚蜀捨舟復深山宵窵一林
麓棲泊雲安縣消中內相毒舊疾甘戰來衰年得
無足死為殊方鬼頭白免短促老馬終望雲南雁
意在北別家長兒女欲起慚筋力客堂序節改具
物對羈束石暄蕨芽紫渚秀蘆笋綠巴鶯紛未稀
徼麥早向熟悠悠日動江漠漠春辭木臺郎選才
俊自顧亦已極前輩聲名人埋沒何所得居然縮

語落空轉折亦多未清

曲終雅奏

草絨受性本幽獨平生憇息地必種數竿竹事業
只濁醪營葺但草屋上公有記者累奏資薄祿王
憂豈濟時身遠彌曠職循文廟算正獻可天衢直
尙想趨朝廷毫髮禪社稷形骸今若是進退委行
色

課伐木 并序

課隸人伯夷辛秀信行等入谷斬陰木人日四
根止維條伊枚正直挺然晨征暮返委積庭內
我有籓籬是缺是補載伐篠簞伊杖支持則旅

序極古與如鼎彝器古色
陸離

次於小安山有虎知禁若恃爪牙之利必昏黑
檜突夔人屋壁列樹白菊鏝為牆實以竹示式
過為與虎近混淪乎無良賓客齒害馬之徒苟
活為幸可默息已作詩示宗武誦

素位之學國風之詩

只用序意點次入神

長夏無所為客居課童僕清晨飯其腹持斧入白
谷青冥曾巔後十里斬陰木人肩四根已亭午下
山麓尙聞丁丁聲功課日各足蒼皮成委積素節
相照燭藉汝跨小籬當杖苦虛竹空荒咆熊羆乳
獸待人肉不示知禁情豈惟干戈哭城中賢府主

岩開

處貴如白屋蕭蕭理體淨蜂蠆不敢毒虎穴連里

伐木之情

閭隄防舊風俗泊舟滄江岸久客慎所觸舍西崖

嶠壯雷雨蔚含蓄牆宇資屢修衰年怯幽獨爾曹

以課意結

輕執熱為我忍煩促秋光近青岑季月當泛菊報

之以微寒共給酒一斛

起結照應殊有不盡之意

雷

大旱山嶽焦密雲復無雨南方瘴癘地罹此農事
苦封內必舞雩峽中喧擊鼓真龍竟寂寞土梗空
僂俯吁嗟公私病稅歛缺不補故老仰面啼瘡痍

似多事然亦無聊之思

向誰數暴尪或前聞鞭巫非稽古請先偃甲兵處
分聽人主萬邦但各業一物休盡取水旱其數然
堯湯免親覩上天鑠金石羣盜亂豺虎二者存一
端愆陽不猶愈昨宵殷其雷風過齊萬弩復吹靈
翳散虛覺神靈聚氣暘腸胃融汗濕衣裳汚吾衰
尤計拙失望築場圃

火

楚山經月火大旱則斯舉舊俗燒蛟龍驚惶致雷
雨爆嵌鱧魅泣崩凍嵐陰眇羅落沸百滋根源皆
太古青林一灰燼雲氣無處所入夜殊赫然新秋
照牛女風吹巨焰作河掉騰煙柱勢欲焚崑崙光
彌歛洲渚腥至焦長蛇吼爭纏猛虎神物已高飛
不見石與土爾寧要謗讟憑此近熒侮薄關長吏
憂甚昧至精主遠遷誰撲滅將恐及環堵流汗卧
江亭更深氣如縷

毒熱寄簡崔評事十六弟

大火運金氣荆揚不知秋林下有塌翼水中無行
舟千室但掃地閉關人事休老夫轉不樂旅次兼

雜奏

百憂蝮蛇暮偃蹇空床難暗投炎宵惡明燭况乃
懷舊邱開襟仰內弟執熱露白頭束帶負芒刺接
居成阻修何當清霜飛會子臨江樓載聞大易義
諷詠詩家流蘊藉異時輩檢身非苟求皇皇使臣
體信是德業優楚材擇杞梓漢苑歸驂驪短章達
我心理待識者籌

貽華陽柳少府

繫馬喬木間問人野寺門柳侯披衣笑見我顏色
溫並坐石堂下俛視大江奔火雲洗月露絕壁上

猶言班白幸起予

朝暾自非曉相訪觸熱生病根南方六七月出入
異中原老少多暍死汗踰水漿翻俊才得之子筋
力不辭煩指揮當世事語及戎馬存涕淚濺我裳
悲風拂帝閭鬱陶抱長策義仗知者論吾衰卧江
漢但媿識璵璠文章一小技於道未爲尊起予幸
斑白因是託子孫俱客古信州結廬依毀垣相去
四五里徑微山葉繁時危挹佳士况免軍旅喧醉
從趙女舞歌鼓秦人盆子壯顧我傷我驩兼淚痕
餘生如過鳥故里今空邨

七月三日亭午已後校熱退晚加小涼穩睡
有詩因論壯年樂事戲呈元二十一曹長

今茲商用事餘熱亦已未衰年旅炎方生意從此
活亭午減汗流比隣耐人聒晚風爽烏匝筋力蘇
摧折閉目踰十旬大江不止渴退藏恨雨師健步
聞旱魃圍蔬抱金玉無以供採掇密雲雖聚散徂
暑終衰歇前聖脊焚巫武王親救暍陰陽相主客
時序遞回幹灑落惟春秋昏霾一空濶蕭蕭紫塞
雁南向欲行列歛思紅顏日霜露凍堦闔胡馬挾

久淪世塵不復爲高人所
念奈何

雕弓鳴弦不虛發長鉞逐狡兔突羽當滿月惆悵
白頭吟蕭條遊俠窟臨軒望山閣縹緲安可越高
人鍊丹砂未念將朽骨少壯跡頗疎歡樂曾倏忽
杖藜風塵際老醜難剪拂吾子得神仙本是池中
物賤夫美一睡煩促嬰詞筆

牽牛織女

牽牛出河西織女處其東萬古永相望七夕誰見
同神光竟難候此事終蒙臆颯然精靈合何必秋
遂逢亭亭新粧立龍駕具層空世人亦爲爾祈請

語涉議論

卷四
走兒童稱家隨豐儉白屋達公宮膳夫翊堂殿鳴
玉淒房櫛曝衣遍天下曳月揚微風蛛絲小人態
曲綴瓜果中初筵瀼重露日出甘所終嗟汝未嫁
女秉心鬱忡忡防身動如律竭力機杼中雖無舅
姑事敢昧織作功明明君臣契咫尺或未容義無
棄禮法恩始夫婦恭小大有佳期戒之在至公方
圓苟齟齬丈夫多英雄

信行遠修水筒

汝性不茹葷清靜僕夫內秉心識本源於事少滯

民胞物與卽此存心得之

礙雲端水筒坼林表山石碎觸熱藉子修通流與
厨會往來四十里荒險崖谷大日暝驚未餐貌赤
媿相對浮瓜供老病裂餅嘗所愛於斯答恭謹足
以殊殿最詎要方士符何假將軍佩行諸直如筆
用意崎嶇外

驅豎子摘蒼耳

江上秋已分林中瘴猶劇畦丁告勞苦無以供日
夕蓬莠獨不焦野蔬暗泉石卷耳况療風童兒且
時摘侵星驅之去爛熳任遠適放筐亭午際洗剝

相蒙羈登床半生熟下筋還小益加點瓜薤間依
稀橘奴跡亂世誅求急黎民糠粃窄飽食復何心
荒哉膏粱客富家厨肉臭戰地骸骨白寄語惡少
年黃金且休擲

催宗文樹雞柵

吾衰怯行邁旅次展崩迫愈風傳烏雞秋卵方漫
喫自春生成者隨母向百翮驅趨制不禁喧呼山
腰宅課奴殺青竹終日憎赤幘踏藉盤案翻塞蹊
使之隔牆東有隙地可以樹高柵避熱時來歸問

兒所爲跡織籠曹其內令入不得擲稀間可突過
猪距還汚席我寬螻蟻遭彼免狐貉厄應宜各長
幼自此均勅敵籠柵念有修近身見損益明明領
處分一一當剖析不昧風雨晨亂離減憂感其流
則凡鳥其氣心匪石倚賴窮歲晏撥煩去冰釋未
似尸鄉翁拘留蓋阡陌

雨

峽雲行清曉煙霧相徘徊風吹蒼江樹雨灑石壁
來淒涼生餘寒殷殷兼出雷白谷變氣候朱炎安

在哉高鳥溼不下居人門未開楚宮久已滅幽佩
為誰哀侍臣書王夢賦有冠古才冥冥翠龍駕多
自巫山臺

雨

行雲遞崇高飛雨霽而至潺潺石間溜汨汨松上
駛亢陽乘秋熱百穀皆已棄皇天德澤降焦卷有
生意前雨傷卒暴今雨喜容易不可無雷霆間作
鼓增氣佳聲達中宵所望時一致清霜九月天鬢
髯見滯穗郊扉及我私我圃日蒼翠恨無抱甕力

淡遠之甚然自盡致

庶減臨江費

種蒿苳 并序

既雨已秋堂下理小畦隔種一兩席許蒿苳向
二旬矣而苳不甲折獨野苳青青傷時君子或
晚得微祿輾軻不進因作此詩

取其敘述略其議論

陰陽一錯亂驕蹇不復理枯旱於其中炎方慘如
燬植物半蹉跎嘉生將已矣雲雷歛奔命師伯集
所使指揮赤白日瀕洞青光起雨聲先以風散足
盡西靡山泉落滄江霹靂猶在耳終朝紆颯沓信

自古錯在即在舉直內于
此見公經濟

宿罷瀟灑堂下可以畦呼童對經始
昔兮蔬之常隨事執其子破塊數席間
荷鋤功易止兩旬不甲拆空惜埋泥滓
野莫迷汝來宗生實於此此輩豈無秋
亦蒙寒露委翻然出地速滋蔓戶庭毀
因知邪干正掩抑至沒齒賢良雖得祿
守道不封已擁塞敗芝蘭衆多盛荆杞
中園陷蕭艾老圃永爲耻登於白玉盤
藉以如霞綺竟也無所施胡顏入筐篚

雨二首

不倫

青山澹無姿白露誰能數片片水上雲
蕭蕭沙中雨殊俗狀巢居曾臺俯風渚
佳客適萬里沉思情延佇掛帆遠色外
驚浪滿吳楚久陰蛟螭出寇盜復幾許

倫一起狀雨前之景清妙絕

空山中宵陰微冷先枕席回風起清曙
萬象萋已碧落落出岫雲渾渾倚天石
日假何道行雨含長江白連櫓荆州船
有士荷戈戟南防草鎮慘霑溼赴遠役
羣盜下辟山總戎備強敵水深雲光廓
鳴鴈各有適漁艇息悠悠夷歌負樵客
畱滯一老翁

摹寫處具見大力真是造化在手

書時記朝夕

殿中楊監見示張旭草書圖

斯人已云亡草聖秘難得及茲煩見示滿目一悽惻悲風生微綃萬里起古色鏘鏘鳴玉動落落羣松直連山蟠其間溟漲與筆力有練實先書臨池真盡墨俊拔爲之主暮年思轉極未知張王後誰並百代則嗚呼東吳精逸氣感清識楊公拂篋笥舒卷忘寢食念昔揮毫端不獨觀酒德

楊監又出畫鷹十二扇

畫鷹須畫骨詠者得其神憶昔一段忽寓興亡之嘆可稱高狀矣此筆勢開拓畫扇乃不意出

近時馮紹正能畫鷲鳥樣明公出此圖無乃傳其狀殊姿各獨立清絕心有向疾禁千里馬氣敵萬人將憶昔驪山宮冬移含元仗天寒大羽獵此物神俱王當時無凡材百中皆用壯粉墨形似聞識者一惆悵干戈少暇日真骨老崖嶂爲君除狡兔會是翻鞵上

送殿中楊監赴蜀見相公

去水絕遠波洩雲無定姿人生在世間聚散亦暫時離別重相逢偶然豈定期送子清秋暮風物長

年悲豪俊貴勲業邦家頻出師相公鎮梁益軍事
無子遺解榻再見今用才復擇誰况子已高位爲
郡得固辭難拒供給費慎哀漁奪私干戈未甚息
綱紀正所持汎舟巨石橫登陸草露滋山門日易
夕當念居者思

贈李十五丈別

峽人鳥獸居其室附層巔下臨不測江中有萬里
船多病紛倚薄少畱改歲年絕域誰慰懷開顏喜
名賢孤陋忝末親等級敢比肩人生意氣合相與

襟袂連一日兩遣僕三日一共筵揚論展寸心壯
筆過飛泉元成美價存子山舊業傳不聞八尺軀
常受衆目憐且爲辛苦行蓋被生事牽北廻白帝
棹南入黔陽天泝公制方隅迥出諸侯先封內如
太古時危獨蕭然清高金莖露正直朱絲弦昔在
堯四岳今之黃穎川于邁恨不同所思無由宣山
深水增波解榻秋露懸客遊雖云久亦思月再圓
晨集風渚亭醉操雲嶠篇丈夫貴知己歡罷念歸
旋

敘述八公生平稱而不夸
老筆深情得太史子長之
神矣

從童稚以及沒身其人品
才畧功名具矣是列傳體
詩史之自信哉

敘述清宥聲調壯涼

卷五

五古詩二十九首

八哀詩 并序

傷時盜賊未息興起王公李公歎舊懷賢終於
張相國八公前後存歿遂不銓次焉

贈司空王公思禮

司空出東夷童稚刷勁翮追隨幽薊兒穎銳物不
隔服事哥舒翰意無流沙磧未甚拔行間犬戎大
充斥短小精悍姿屹然強寇敵貫穿百萬衆出入

覽名將風流

潼關之敗用回護筆

由咫尺馬鞍懸將首甲外控鳴鏑洗劍青海水刻
 銘天山石九曲非外蕃其王轉深壁飛兔不近駕
 鷲鳥資遠擊曉達兵家流飽聞春秋癖胸襟日沉
 靜肅肅自有適潼關初潰散萬乘猶辟易偏裨無
 所施元帥見手格太子入朔方至尊狩梁益胡馬
 纏伊洛中原氣甚逆肅宗登寶位塞望勢敦迫公
 時徒步至請罪將厚責際會清河公間道傳玉册
 天王拜跪畢讜論果冰釋翠華卷飛雪熊虎巨阡
 陌屯兵鳳凰山帳殿涇渭關金城賊咽喉詔鎮雄

寫其忠悃

反襯作收

前述其功後悲其過章法
 井然
 回護處却有陽秋如昌黎
 作柳墓誌正是推崇非有
 隱刺也詩之高雅足稱偉
 人更不待言

所搯禁暴靖無雙爽氣春漸瀝巷有從公歌野多
 青青麥及夫哭廟後復領太原役恐懼祿位高悵
 望王土窄不得見清時嗚呼就窀穸永繫五湖舟
 悲甚田橫客千秋汾晉間事與雲水白昔觀文苑
 傳豈述廉頗績嗟嗟鄧大夫士卒終倒戟

故司徒李公光弼

第一功

司徒天寶末北收晉陽甲胡騎攻吾城愁寂意不
 愜人安若泰山薊北斷右脅朔方氣乃蘇黎首見
 帝業二宮位西郊九廟起頽壓未散河陽卒思明

第一功

偽臣妾復自碣石來火焚乾坤獵高視笑祿山公

又大獻捷異王册崇勲小敵信所怯擁兵鎮汴河

千里初安貼青蠅紛營營風雨秋一葉內省未入

朝死淚終映睫大屋去高棟長城掃遺堞平生白

羽扇零落蛟龍匣雅望與英姿悽愴槐里接三軍

晦光彩烈士痛稠疊直筆在史臣將來洗筐篋吾

思哭孤冢南紀阻歸楫扶顛永蕭條未濟失利涉

疲榮竟何人灑淚巴東峽

贈左僕射鄭國嚴公武

妙有含蘊

青蠅四句尤寫得可畏八
哀之所以作也
司徒晚未入朝最難翰旋
公詩妙得其平

通首只贊鄭公勲名交誼
却於結語掉出開合二語
吾於龔合肥見其人焉

讀小心句知武欲殺甫之
為誣

通篇用對句聲調筆法又
變

鄭公瑚璉器華岳金天晶昔在童子日已聞老成

名嶷然大賢後復見秀骨清開口取將相小心事

友生閱書百氏盡落筆四座驚歷職匪父任嫉邪

嘗力爭漢儀尙整肅胡騎忽縱橫飛傳自河隴逢

人間公卿不知萬乘出雪涕風悲鳴受辭劍閣道

謁帝蕭關城寂寞雲臺仗飄飄沙塞旌江山少使

者笳鼓凝皇情壯士血相視忠臣氣不平密論貞

觀體揮發岐陽征感激動四極聯翩收二京西郊

牛酒再原廟丹青明匡汲俄寵辱衛霍竟哀榮四

寫鄭公忠勤大畧絕不費力他日諸將詩云軍令分明數舉孟與此意同後繼

總叙

登會府地三掌華陽兵京兆空柳色尚書無履聲
羣鳥自朝夕白馬休橫行諸葛蜀人愛文翁儒化
成公來雪山重公去雪山輕記室得何遜韜鈴延
子荆四郊失壁壘虛館開逢迎堂上指圖畫軍中
吹玉笙豈無成都酒憂國只細傾時觀錦水釣問
俗終相并意待犬戎滅人藏紅粟盈以茲報主願
庶或禪世程炯炯一心在沉沉二豎嬰顏回竟短
折賈誼徒忠貞飛旄出江漢孤舟轉荆衡虛橫馬
融笛悵望龍驤坐空餘老賓客身上愧簪纓

身後

作詩之由

贈太子太師汝陽郡王琎

此篇以太史公世家之體兼長卿上林之才真雄作也發端何等氣象

汝陽讓帝子眉宇真天人虬髯似太宗色映塞外
春往者開元中主恩視遇頻出入獨非時禮異冕
羣臣愛其謹潔極倍此骨肉親從容聽朝後或在
風雪晨忽思格猛獸苑囿騰清塵羽旗動若一萬
馬肅駢駢詔王來射雁拜命已挺身箭出飛鞞內
上又回翠麟翻然紫塞翻下拂明月輪從人雖獲
多天笑不為新王每中一物手自與金銀袖中諫
獵書扣馬久上陳竟無銜糜虞聖聰矧多仁官免

寫從獵似太繁

寫其恩遇

極寫忠愛

未暇以王之好士折出已
之不忘舊遊筆勢頓挫

供給費水有在藻鱗匪惟帝老大皆是王忠勤晚
年務置醴門引申白賓道大容無能永懷侍芳茵
好學尚貞烈義形必霑巾揮翰綺繡揚篇什若有
神川廣不可泝墓久狐兔隣宛彼漢中郡文雅見
天倫何以開我悲泛舟俱遠津溫溫昔風味少壯
已書紳舊游易磨滅衰謝增酸辛

贈秘書監江夏李公邕

長嘯宇宙間高才曰陵替古人不可見前輩復誰
繼憶昔李公存詞林有根柢聲華當健筆灑落富

趣有巨及摩天之勢

北海後人篇中推崇感嘆
仙盡其妙

清製風流散金石追琢山岳銳情窮造化理學貫
天人際干謁走其門碑版照四裔各滿深望還森
然起凡例蕭蕭白楊路洞徹寶珠惠龍宮瑤廟湧
浩劫浮雲衛宗儒俎豆事故吏去思計眇眇已皆
虛跋踖會不泥向來映當時豈獨勸後世豐屋珊
瑚鉤麒麟織成蜀紫駟隨劍几義取無虛歲分宅
脫驂間感激懷未濟眾歸賙給美擺落多藏穢獨
步四十年風聽九臯唳嗚呼江夏姿竟掩宣尼袂
往者武后朝引用多寵嬖否臧太常議面折二張

勢衰俗凜生風排蕩秋旻霽忠貞負冤恨宮闕深
旒綴放逐早聯翩低垂困炎癘日斜鵬鳥入魂斷
蒼梧帝榮枯走不暇星駕無安稅幾分漢庭竹風
擁文侯箠終悲洛陽獄事近小臣斃禍階初負謗
指李林甫之誣
易力何深濟伊昔臨淄亭酒酣託末契重叙東都
別朝陰改軒砌論文到崔蘇指盡流水逝近伏盈
川雄未甘特進麗是非張相國相扼一危脆爭名
古豈然關櫜歛不閉例及吾家詩曠懷掃氛翳慷
慨嗣真作咨嗟玉山桂鐘律儼高懸鯤鯨噴迢遶

結仍歸到文章

蘇鄭夙契觀其詩淚溢行
間然非此英偉排宕無以
達之

坡陲青州血蕪沒汶陽瘞哀贈晚蕭條恩波延揭
厲子孫存如綫舊客舟凝滯君臣尚論兵將帥接
燕薊朗詠六公篇憂來豁蒙蔽
故秘書少監武功蘇公源明
武功少也孤徒步客徐充讀書東嶽中十載考墳
典時下萊蕪郭忍饑浮雲巘負米晚爲身每食臉
必泣夜字照熟薪垢衣生碧蘚庶以勤苦志報茲
劬勞願學蔚醇儒資文包舊史善灑落辭幽人歸
來潛京輦射君東堂策宗匠集精選制可題未乾

秘書抗亂大節慷慨言之
千載下凜凜有生氣

以范李反形更見光明磊
落

乙科已大闡文章日自負掾吏亦累踐晨趨閭闔
丙足踏宿昔跼一麾出守還黃屋朔風卷不暇陪
入駿鹵庭悲所遣平生滿樽酒斷此朋知展憂憤
病二秋有恨石可轉肅宗復社稷得無順逆辯范
擘顧其兒李斯憶黃犬秘書茂松色再扈祠壇墀
前後百卷文枕藉皆禁鬱篆刻揚雄流溟漲本末
淺青熒芙蓉劍犀兕豈獨剗反爲後輩褻予實苦
懷緬煌煌齋房芝事絕萬手舉垂之俟來者正始
徵勸勉不要懸黃金胡爲投乳贖結交三十載吾

卽帶滎陽誼兼諷勸

與誰游衍滎陽復冥冥罪罟已橫罟嗚呼子逝日
始泰則終蹇長安米萬錢凋喪盡餘喘戰伐何當
解歸帆阻清沔尚纏漳水疾永負蒿里餞
故著作郎貶台州司戶滎陽鄭公虔

廣文于公最契詩亦備極
哀榮而遭貶之由終不草
草篇首四語已宛見廣文
在前如六義之有比體

鷄居至魯門不識鐘鼓饗孔翠望赤霄愁思雕籠
養滎陽冠衆儒早聞名公賞地崇士大夫况乃氣
精爽天然生知資學立游夏上神農或闕漏黃石
愧師長藥纂西極名兵流指諸掌貫穿無遺恨蒼
藂何技癢圭臬星經奧蟲篆丹青廣子雲窺未遍

極力形容

方朔諧太枉神翰顧不一體變鍾兼兩文傳天下
 口大字猶在榜昔獻書畫圖新詩亦俱往滄洲動
 玉陛寡鶴誤一響三絕自御題四方尤所仰嗜酒
 益疎放彈琴視天壤形骸實土木親近惟几杖未
 曾寄官曹突兀倚書幌晚就芸香閣胡塵昏垓莽
 反覆歸聖朝點染無滌盪老蒙台州掾遐泛浙江
 槩履穿四明雪饑拾楸溪椽空聞紫芝歌不見杏
 壇丈天長眺東南秋色餘颺颺別離慘至今斑白
 徒懷曩春深秦山秀葉墜清渭朗劇談王侯門野

追寫昔遊

稅林下鞅操紙終夕酣時物集遐想詞場竟疏闊
 平昔濫吹獎百年見存歿牢落吾安放蕭條阮咸
 在出處同世網他日訪江樓含悽述飄蕩

故右僕射相國張公九齡

相國生南紀金璞無畱礦仙鶴下人間獨立霜毛
 整矯然江海思復與雲路永寂寞想土階未遑等
 箕穎上君白玉堂倚君金華省碣石歲崢嶸天池
 日蛙黽退食吟大庭何心記榛梗骨驚畏曩哲鬢
 變負人境雖蒙換蟬冠右地惡多幸敢忘二疏歸

偏於矯筆處狀出曲江公
 身分英藻綺思照耀千古
 只自此橋懷留侯同此意

曲江罷而胡禍胎八哀之
以是為終也於不詮次中
是有意在

致追思意

痛迫蘇耽井紫綬映暮年荆州謝所領庾公與不
淺黃霸鎮每靜賓客引調同諷詠在務屏詩罷地
有餘篇終語清省一陽發陰管淑氣含公鼎乃知
君子心用才文章境散帙起翠螭倚薄巫廬並綺
麗元暉擁牋誅任昉騁自我一家則未缺隻字警
千秋滄海南名繫朱鳥影歸老守故林戀闕悄延
頸波濤良史筆蕪絕大庾嶺向時禮數隔制作難
上請再讀徐孺碑猶思理烟艇

壯遊

追叙一生由少而壯壯而
老始而文章繼而交遊繼
而憂國終有望於英雄之
救時此希稷契心事也但
迺遷說去亦是平調
交老蒼而貌時輩回思初
以青門為之黠然

公生平大節歷歷叙出有
太史自叙之風但排句尚
少變化頗欲節之

以上叙吳越壯遊

往者十四五出遊翰墨場斯文章起以憂國終
楊七齡思即壯開口詠鳳凰九齡書大字有作成
一囊性豪業嗜酒嫉惡懷剛腸脫略小時輩結交
皆老蒼飲酣視八極俗物多茫茫東下姑蘇臺已
具浮海航到今有遺恨不得窮扶桑王謝風流遠
闔閭邱墓荒劍池石壁仄長洲芰荷香嗟峨闈門
北清廟映迴塘每趨吳太伯撫事淚浪浪枕戈憶
勾踐渡浙想秦皇蒸魚聞七首除道哂要章越女
天下白鑑湖五月涼剡溪蘊秀異欲罷不能忘歸

文筆

以上叙齊趙壯遊

帆拂天姥中歲貢舊鄉氣劇屈賈壘目短曹劉牆
 忤下考功第獨辭京尹堂放蕩齊趙間裘馬頗清
 狂春歌叢臺上冬獵青邱旁呼鷹皂櫪林逐獸雲
 雪岡射飛曾縱鞚引臂落鵝鷓蘇侯據鞍喜忽如
 攜葛疆快意八九年西歸到咸陽許與必詞伯賞
 遊實賢王曳裾置醴地奏賦入明光天子廢食召
 羣公會軒裳脫身無所愛痛飲信行藏黑貂寧免
 敝斑鬢兀稱觴杜曲晚者舊四郊多白楊坐深鄉
 黨敬日覺死生忙朱門任傾奪赤族迭罹殃國馬

以上叙長安壯遊

語大而切比擬得體

竭粟豆官雞輸稻梁舉隅見煩費引古惜興亡河
亂朔風塵起岷山行幸長兩宮各警蹕萬里遙相望
 崆峒殺氣黑少海旌旗黃禹功亦命子涿鹿親戎
 行翠華擁英岳螭虎噉豺狼爪牙一不中胡兵更
 陸梁大軍載草草凋瘵滿膏肓備員竊補衮憂憤
 心飛揚上感九廟焚下憫萬民瘡斯時伏青蒲廷
 諍守御床君辱敢愛死赫怒幸無傷聖哲體仁恕
 宇縣復小康哭廟灰燼中鼻酸朝未央小臣議論
 絕老病客殊方鬱鬱苦不展羽翮困低昂秋風動

悲壯

以上叙扈從壯遊

末段叙客變與首段遙對

哀壑碧蕙捐微芳之推避賞從漁父濯滄浪榮華
應指李泌之類
敵勲業歲暮有嚴霜吾觀鴟夷子才格出尋常羣
兇逆未定側佇英俊翔

昔遊

昔者與高李晚登單父臺寒蕪際碣石萬里風雲
來桑柘葉如雨飛藿去徘徊清霜大澤凍禽獸有
餘哀是時倉廩實洞達寰區開猛士思滅胡將帥
望三台君王無所惜駕馭英雄材幽燕盛用武供
給亦勞哉吳門轉粟帛泛海陵蓬萊肉食三十萬

吳門二句與雲帆轉遼海
梗稻來東吳並爲唐時海

近之証足補正史闕漏

獵射起黃埃隔河憶長眺青歲已摧頽不及少年
日無復故人杯賦詩獨流涕亂世想賢才有能市
駿骨莫恨少龍媒商山議得失蜀主脫嫌猜呂尚
封國邑傳說已鹽梅景晏楚山深水鶴去低回龐
公任本性攜子臥蒼苔

遺懷

昔我遊宋中惟梁孝王都名今陳畱亞劇則貝魏
俱邑中九萬家高棟照通衢舟車半天下主客多
歡娛白刃讐不義黃金傾有無殺人紅塵裏報答

宋中名地高李偉人配公
此篇俱堪千古吞吐入極
成其橫放之概白刃二句
指豪俠者殺人二句指強
暴者故不嫌其複

亦有登臺歌風氣象

在斯須憶與高李輩論交入酒壚兩公壯藻思得
我色敷腴氣酣登吹臺懷古視平蕪芒碭雲一去
鴈鷺空相呼先帝正好武寰海未凋枯猛將收西
域長戟破林胡百萬攻一城獻捷不云輸組練弃
如泥尺土負百夫拓境功未已元和辭大鑪亂離
朋友盡合沓歲月徂吾衰將焉託存沒再嗚呼蕭
條益堪愧獨在天一隅乘黃已去矣凡馬徒區區
不復見顏鮑繫舟卧荆巫臨餐吐更食常恐違撫
孤

往在

往在西京日胡來滿彤宮中宵焚九廟雲漢爲之
紅解瓦飛十里總帷紛會空疚心惜木主一一灰
悲風合昏排鐵騎清旭散錦驪賊臣表逆節相賀
以成功是時妃嬪戮連爲糞土叢當宁陷玉座白
間剥畫蟲不知二聖處私泣百歲翁車駕旣云還
楹楠歛穹崇故老復涕泗祠宮樹椅桐宏壯不如
初已見帝力雄前春禮郊廟祀事親聖躬微軀忝
近臣景從陪羣公登階捧玉冊峩冕聆金鐘侍祠

此段典麗

愈先露掖垣邇濯龍天子惟孝孫五雲起九重鏡
奩換粉黛翠羽猶葱朧前者厭羯胡後來遭犬戎
俎豆腐羶肉采恩行角弓安得自西極申命空山
東盡驅詣闕下士庶塞關中主將曉逆順元元歸
始終一朝罪已已萬里車書通鋒鏑供鋤犁征戍
聽所從冗官各復業土著還力農君臣節儉足朝
野歡呼同中興似國初繼體如太宗端拱納諫諍
和風日冲融赤墀櫻桃枝隱映銀絲籠千春薦靈
寢永永垂無窮京都不再火涇渭開愁容歸號故

松柏老去苦飄蓬

聽楊氏歌

佳人絕代歌獨立發皓齒滿堂慘不樂響下清虛
裏江城帶素月况乃清夜起老夫悲暮年壯士淚
如水玉杯久寂寞金管迷宮徵勿云聽者疲愚智
心盡死古來傑出土豈特一知己吾聞昔秦青傾
側天下耳

贈蘇四侯

異縣昔同遊各云厭轉蓬別離已五年尚在行李

中戎馬日衰息乘輿安九重有才何棲棲將老委
所窮爲郎未爲賤其奈疾病攻子何面黧黑不得
豁心胷巴蜀倦剽劫下愚成土風幽薊已削平荒
微尚彎弓斯人脫身來豈非吾道東乾坤雖寬大
所適裝囊空肉食晒菜色少壯欺老翁况乃主客
間古來偏側同君今下荆揚獨帆如飛鴻二州豪
俠場人馬皆自雄一請甘饑寒再請甘養蒙

西閣曝日

凜冽倦元冬負喧嗜飛閣羲和流德澤顛頊愧倚
薄毛髮具自私肌膚潛沃若太陽信深仁衰氣歛
有託欹頰煩注眼容易收病脚瀏漓木杪猿翩躑
山顛鶴朋知苦聚散哀樂日已作卽事會賦詩人
生忽如昨古來遭喪亂賢聖盡蕭索胡爲將暮年
憂世心力弱

寄薛三郎中璩

人生無賢愚飄飄若埃塵自非得神仙誰克免其
身與子俱頭白役役常苦辛雖爲尚書郎不及邨
野人憶昔邨野人其樂難具陳藹藹桑麻交公侯

允旬

桑麻交自可何又沾沾公侯

爲等倫天未厭戎馬我輩本常貧子尚客荊州我
亦滯江濱峽中一臥病瘡癘終冬春春復加肺氣
此病蓋有因早歲與鄭蘇痛飲情相親二公化爲
土嗜酒不失真余今委修短豈得恨命屯聞子心
甚壯所過信席珍上馬不用扶每扶必怒嗔賦詩
賓客間揮灑動八垠乃知蓋代手才力老益神青
草洞庭湖東浮滄海潛君山可避暑况足采白蘋
子豈無扁舟往復江漢津我未下瞿唐空念禹功
勤聽說松門峽吐藥攬衣巾高秋卻束帶鼓柁視

疊一旬便無味

青旻鳳池日澄碧濟濟多士新余病不能起健者
勿逡巡上有明哲君下有行化臣

晚登灤上堂

故躋灤岸高頗免崖石擁開襟野堂豁繫馬林花
動雉堞粉如雲山田麥無隴春氣晚更生江流靜
猶湧四序嬰我懷羣盜久相踵黎民困逆節天子
渴垂拱所思注東北深峽轉修聳衰老自成病郎
官未爲冗妻其望呂葛不復夢周孔濟世數嚮時
斯人各枯冢楚星南天黑蜀月西霧重安得隨鳥

秀而不淨足追康樂

非生亂世不知此語之苦

翎迨此懼將恐

園官送菜 并片

園官送菜把本數日闕矧苦苣馬齒掩乎嘉蔬
傷小人妬害君子莧不足道也比而作詩

清晨送菜把常荷地主恩守者愆實數略有其名
存苦苣刺如針馬齒葉亦繁青青嘉蔬色埋在
中園園吏未足怪世事固堪論嗚呼戰伐久荆棘
暗長原乃知苦苣輩傾奪蕙草根小人塞道路爲
態何喧喧又如馬齒盛氣擁葵荏昏點染不易虞

一句葵

絲麻雜羅紈一經器物內永挂麤刺痕志士採紫
芝放歌避戎軒畦丁負籠至感動百慮端

園人送瓜

江間雖炎瘴瓜熟亦不早柏公鎮夔國滯務茲一
掃食新先戰士共少及溪老傾筐蒲鵠青滿眼顏
色好竹竿接嵌竇引注來鳥道浮沉亂水玉愛惜
如芝草落刃嚼冰霜開懷慰枯槁許以秋蒂除仍
看小童抱東陵跡蕪絕楚漢休征討園人非故侯
種此何草草

本色足賞

崖柴佳三字出韻按廣韵六麻中亦無涯字然唐人近體多用之

柴門

泛舟登瀛西迴首望兩崖東城乾旱天其氣如焚
柴長影沒窈窕餘光散谿訝大江蟠嵌根歸海成
一家下衝割坤軸竦壁攢鏤鏘蕭颯灑秋色氛昏
霾日車峽門自此始最窄容浮查禹功翊造化疏
鑿就欹斜巨渠決太古衆水爲長虵風煙渺吳蜀
舟楫通鹽麻我今遠遊子飄轉混泥沙萬物附本
性約身不願奢茅棟蓋一牀清池有餘花濁醪與
脫粟在眼無容嗟山荒人民少地僻日夕佳貧窮

差字一本作差又用迴首何也

固其常富貴任生涯老于干戈際宅幸蓬華遮石
亂上雲氣杉清延日華賞妍又分外理愜夫何誇
足了垂白年敢居高士差書此豁平昔迴首猶暮
霞

槐葉冷淘

青青高槐葉采掇付中厨新麪來近市汁滓宛相
俱入鼎資過熟加餐愁欲無碧鮮俱照筋香飯兼
苞蘆經齒冷於雪勸人投比珠願隨金腰裏走置
錦屠蘇路遠思恐泥興深終不渝獻芹則小小薦

一路詩多艱澁難誦不敢強爲附會

結亦詳到奉君此公習氣

藻明區區萬里露寒殿開冰清玉壺君王納涼晚
此味亦時須

上後園山脚

朱夏熱所嬰清旭步北林小園背高岡挽葛上崎
峯曠望延駐目飄飄散疎襟潛鱗恨水壯去翼依
雲深勿謂地無疆劣於山有陰石椽遍天下水陸
兼浮沉自我登隴首十年經碧岑劍門來巫峽薄
倚浩至今故園暗戎馬骨肉失追尋時危無消息
老去多歸心志士惜白日久客藉黃金敢為蘇門

意緒稍雜

嘯庶作梁父吟

行官張望補稻畦水歸

東屯大江北百頃平若案六月青稻多千畦碧泉
亂插秧適云已引溜加漑灌補水更僕往方塘决渠當
斷岸公私各地著浸潤無天旱主守問家臣分明
見溪畔芊芊炯翠羽剡剡生銀漢鷗鳥鏡裏來關
山雪邊看秋菰成黑米精鑿傳白粲玉粒足晨炊
紅鮮任霞散終然添旅食作苦期壯觀遺穗及衆
多我倉戒滋漫

詞圓語利鮑謝之流

此從問字寫出

究其後言之

題比康樂更古

秋行官張望督促東渚耗稻向畢清晨遣女
奴阿稽豎子阿段往問

趙佳詩亦瀟灑是陶公一派而微加沉鬱之氣故覺不同

東渚雨今足佇聞粳稻香上天無偏頗蒲稗各自

句純

長人情見非類田家戒其荒功夫競櫛櫛除草置

岸旁穀者命之本客居安可忘青春具所務勤墾

前半言耗稻向畢後半言往問督促之意也一結亦自淡遠更見感慨

免亂常吳牛力容易並驅紛遊塲豐苗亦已穠雲

水照方塘有生固蔓延靜一資隄防督領不無人

提挈頗在綱荆揚風土煖蕭蕭候微霜尚恐主守

主意

踈用心未甚臧清朝遣婢僕寄語踰崇岡西成聚

必散不獨陵我倉豈要仁里譽感此亂世忙北風
吹蒹葭蟋蟀近中堂荏苒百工休鬱紆遲暮傷

阻雨不得歸灑西甘林

三伏適已過驕陽化爲霖欲歸灑西宅阻此江浦

深壞舟百板坼峻岸復萬尋篙工初一棄恐泥勞

寸心佇立東城隅悵望高飛禽草堂亂元圃不隔

崑崙岑昏渾衣裳外曠絕同會陰園甘長成時三

寸如黃金諸侯舊上計厥貢傾千林邦人不足重

所迫豪吏侵客居暫封殖日夜偶瑤琴虛徐五株

態側塞煩胷襟安得輟雨足杖藜出岷嶽條流數
翠實偃息歸碧潯拂拭烏皮几喜聞樵牧音令兒
快搔背脫我頭上簪

又上後園山脚

昔我遊山東憶戲東嶽陽窮秋立日觀矯首望八
荒朱崖著毫髮碧海吹衣裳蓐收困用事元冥蔚
強梁逝水自朝宗鎮名各其方平原獨憔悴農力
廢耕桑井闕風露凋曾是戍役傷於時國用富足
以守邊疆朝廷任猛將遠奪戎馬場到今事反覆

看下文云云則知戲字無
着

故老淚萬行龜蒙不可見况乃懷故鄉肺萎屬久
戰骨出熱中腸憂來杖匣劍更上林北岡瘴毒猿
鳥落峽乾南日黃秋風亦已起江漢始如湯登高
欲有往蕩析川無梁哀彼遠征人去家死路旁不
及祖父塋纍纍塚相當

甘林

捨舟越西岡入林解我衣青芻適馬性好鳥知人
歸晨光映遠岫夕露見日稀遲暮少寢食清曠喜
荆扉經過倦俗態在野無所違試問甘藜藿未肯

本是莊調以樂府質語結
之不令

羨輕肥喧靜不同科出處各天機勿矜朱門是陋
此白屋非明朝步隣里長老可以依時危賦歛數
脫粟為爾揮相攜行荳田秋花靄菲菲子實不得
喫貨市送王畿盡添軍旅用迫此公家威主人長
跪辭戎馬何時稀我衰易悲傷屈指數賊圍勸其
死王命慎莫遠奮飛

暇日小園散病將種秋菜督勒耕牛兼書觸

目

不愛入州府畏人嫌我真及乎歸茅宇旁舍未曾

題趣甚逐層脫卸而下正以觸目一段見比興之意

噴老病忌拘束應接喪精神江村意自放林木心

所欣秋耕屬地溼山雨近甚勻冬菁飯之半牛力

督勒耕牛

晚來新深耕種數畝未甚後四隣嘉疏既不一名

兼書觸目

數頗具陳荆巫非苦寒採擷接青春飛來雙白鶴

暮啄泥中芹雄者左翮垂損傷已露筋一步再流

血尚驚矐繳勤三步六號叫志屈悲哀頻鸞鳳不

亦合畏人之意

相待側頸訴高叟杖藜俯沙渚為汝鼻酸辛

雨

山雨不作泥江雲薄為霧晴飛半嶺鶴風亂平沙

聲調自古樂府來

結出感慨

樹明滅洲景微隱見巖姿露拘悶出門遊曠絕經
目趣消中日伏枕臥久塵及履豈無平肩輿莫辨
望鄉路兵戈浩未息虵虺反相顧悠悠邊月破鬱
鬱流年度針灸阻朋曹糠粃對童孺一命須屈色
新知漸成故窮荒益自卑飄泊欲誰訴尪羸愁應
接俄頃恐違迕浮俗何萬端幽人有高步龐公竟
獨往尚子終罕遇宿留洞庭秋天寒瀟湘素杖策
可入舟送此齒髮暮

卷六

五古詩三十七首

奉酬薛十二丈判官見贈

忽忽峽中睡悲風方一醒西來有好鳥為我下青
冥羽毛淨白雪慘澹飛雲汀旣蒙主人顧舉翮嘆
孤亭持以比佳士及此慰揚舲清文動哀玉見道
發新硯欲學鳴夷子待勒燕山銘誰重斬邪劍致
君君未聽志在麒麟閣無心雲母屏卓氏近新寡
豪家朱門扃相如才調逸銀漢會雙星客來洗粉

好鳥本是虛擬得書著此
數句反覺索然無味正今
人一力擱入不即開宕也
向期先生亦偶犯之

襟湊

與上句複而雜

薰日暮拾流螢不是無膏火勸郎勤六經老夫自
汲澗野水日泠泠我歎黑頭白君看銀印青臥病
識山鬼為農知地形誰矜坐錦帳苦厭食魚腥東
西兩岸圻橫水注滄溟碧色忽惆悵風雷搜百靈
空中有白虎赤節引娉婷自云帝季女嘆兩鳳凰
翎襄王薄行跡莫學令威丁千秋一拭淚夢覺有
微馨人生相感動金石兩青熒丈人但安坐休辨
渭與涇龍蛇尙格鬪灑血暗郊坰吾聞聰明主活
國用輕刑銷兵鑄農器今古歲方寧天王日儉德

又入此段何謂

亂雜

俊父始盈庭榮華貴少壯豈食楚江萍

同元使君春陵行 并序

覽道州元使君結春陵行兼賊退後示官吏作
二首志之曰當天子分憂之地效漢朝良吏之
目今盜賊未息知民疾苦得結輩十數公落落
然參錯天下為邦伯萬物吐氣天下小安可待
矣不意復見比興體制微婉頓挫之詞感而有
詩增諸卷軸簡知我者不必寄元

遭亂髮遽白轉衰病相嬰沉縣盜賊際狼狽江漢

存此以為亂世暴斂之戒

行歎時藥力薄爲客羸瘵成吾人詩家流博采世
上名粲粲元道州前聖畏後生觀乎春陵作歛見
俊哲情復覽賊退篇結也實國楨賈誼昔流慟匡
衡嘗引經道州憂黎庶詞氣浩縱橫兩章對秋月
一字偕華星致君唐虞際淳樸憶大庭何時降璽
書用爾爲丹青獄訟永衰息豈惟偃甲兵悽惻念
誅求薄歛近休明乃知正人意不苟飛長纓涼飈
振南嶽之子寵若驚色阻金印大興舍滄浪清我
多長卿病日夕思朝廷肺枯渴太甚漂泊公孫城

呼兒具紙筆隱几臨軒楹作詩呻吟內墨淡字欵
傾感彼危苦詞庶幾知者聽

鄭典設自施州歸

吾憐滎陽秀冒暑初有適名賢慎出處不肯妄行
役旅茲殊俗遠竟以屢空迫南謁裴施州氣合無
險僻攀搖懸根本登頓入天石青山自一川城郭
洗憂戚聽子話此邦令我心悅懌其俗則淳樸不
知有主客温温諸侯門禮亦如古昔敕厨倍常羞
盃盤頗狼籍時雖屬喪亂事貴當匹敵中宵愜良

會裴鄭非遠戚羣書一萬卷博涉供務隙他日辱
銀鈎森疏見矛戟倒屣喜旋歸畫地求所歷乃聞
風土質又重田疇闢刺史似寇恂列郡宜競惜北
風吹瘴癘羸老思散策渚拂蒹葭寒嶠穿蘿蔦暮
此身仗兒僕高興潛有激孟冬方首路強飯取崖
壁歎爾疲駑駘汗溝血不赤終然備外飾駕馭何
所益我有平肩輿前途猶準的翩翩入鳥道庶脫
蹉跌厄

寫懷二首

皆作在盧駱之間次作直
追靖節矣

勞生共乾坤何處異風俗冉冉自趨競行行見羈
束無貴賤不悲無富貧亦足萬古一骸骨隣家遞
歌哭鄙夫到巫峽三歲如轉燭全命甘留滯忘情
任榮辱朝班及暮齒日給還脫粟編蓬石城東采
藥山北谷用心霜雪問不必條蔓綠非關故安排
曾是順幽獨達士如弦直小人似鈎曲曲直吾不
知負暄候樵牧
夜深坐南軒明月照我膝驚風翻河漢梁棟日已
出羣生各一宿飛動自倚匹吾亦驅其兒營營爲

渾古橫放直造自然

私實天寒行旅稀歲暮日月疾榮名忽中人世亂
如蟣蝨古者三皇前滿腹志願畢胡爲有結繩陷
此膠與漆禍首燧人氏厲階董狐筆君看燈燭張
轉使飛蛾密放神八極外俛仰俱蕭瑟終然契真
如得匪金仙術

別李義

神堯十八子十七王其門道國洎舒國實維親弟
昆中外貴賤殊余亦忝諸孫丈人嗣三葉之子白
玉温道國繼德業請從丈人論丈人領宗卿肅穆

叙次不甚順

古制敦先朝納諫諍直氣橫乾坤子建文章在河
間經術存爾克富詩禮骨清慮不喧洗然遇知己
談論淮湖奔憶昔初見時小襦繡芳蓀長成忽會
面慰我久疾魂三峽春冬交江山雲霧昏正宜且
聚集恨此當離樽莫怪執盃遲我衰涕唾煩重問
子何之西上岷江源願子少干謁蜀都足戎軒誤
失將帥意不如親故恩少年早歸來梅花已飛翻
努力慎風水豈惟數盤殮猛虎臥在岸蛟螭出無
痕王子自愛惜老夫困石根生別古所嗟發聲爲

爾吞

送高司直尋封閩州

丹雀銜書來暮棲何鄉樹驂騑事天子辛苦在道
路司直非冗官荒山甚無趣借問泛舟人胡爲入
雲霧與子姻婭間旣親亦有故萬里長江邊邂逅
相亦遇長鄉消渴再公幹沉綿屢清談慰老夫閑
卷得佳句時見文章士欣然澹情素伏枕問別離
疇能忍漂寓良會苦短促溪行水奔注熊羆咆空
林遊子慎馳驚西謁巴中侯艱險如跬步主人不
世才先帝常特顧拔爲天軍佐崇大王法度淮海
生清風南翁尙思慕公宮造廣廈木石乃無數初
聞伐松柏猶臥天一柱我病書不成成字讀亦誤
爲我問故人勞心練征戍

敬寄族弟唐十八使君

與君陶唐後盛族多其人聖賢冠史籍枝派羅源
津在今氣磊落巧僞莫敢親介立實吾弟濟時肯
殺身物白諱受玷行高無汚真得罪永泰末放之
五溪濱鸞鳳有鍛翮先儒會抱麟雷霆劈長松骨

大卻生筋一失不足傷念子孰自珍泊舟楚宮岸
戀闕浩酸辛除名配清江厥土巫峽隣登陸將首
途筆札枉所申歸朝跼病肺敘舊思重陳春風洪
濤壯谷轉頗彌旬我能泛中流塘突鼉獺嗔長年
已省施慰此貞良臣

送顧八分文學適洪吉州

中郎石經後八分蓋憔悴顧侯運鑪錘筆力破餘
地昔在開元中韓蔡同勳屬元宗妙其書是以數
子至御札早流傳揄揚非造次三人並入直恩澤

各不二顧於韓蔡內辨眼工小字分日侍諸王鈞
深法更秘文學與我遊蕭疎外聲利追隨二十載
浩蕩長安醉高歌卿相宅文翰飛省寺視我楊馬
間白首不相棄驂騑入窮巷必脫黃金轡一論朋
友難遲暮敢失墜古來事反覆相見橫涕泗嚮者
玉珂人誰是青雲器才盡傷形骸病渴汚官位故
舊獨依然時危話顛躓我甘多病老子負憂世志
胡爲困衣食顏色少稱遂遂作辛苦行順從衆多
意舟楫無根蒂蛟鼉好爲祟况兼水賊繁特戒風

每讀此數語遭亂以來真
令反覆痛恨于桓靈也

順從句應抹老遂衆人行
何等颯逸此何等拙滯
昔乎此便知靈鈍之別矣

卷六
飈駛崩騰戎馬際往往殺長吏子干東諸侯勸勉
防縱恣邦以民爲本魚饑費香餌請哀瘡痍深告
訴皇華使使臣精所擇進德知歷試惻隱誅求情
固應賢愚異烈士惡苟得俊傑思自致贈子猛虎
行出郊載酸鼻

別董頌

窮冬急風水逆浪開帆難士子甘旨闕不知道里
寒有求彼樂土南適小長安別我舟楫去覺君衣
裳單素聞趙公節兼盡賓主歡已結門閣望無令

霜雪殘老夫纜亦解脫粟朝未餐飄蕩兵甲際幾
時懷抱寬漢陽頗寧靜峴首試考槃當念著皂帽
采薇青雲端

別張十三建封

嘗讀唐實錄國家草昧初劉裴首建議龍見尙躊
躇秦王撥亂姿一劍總兵符汾晉爲豐沛暴隋竟
滌除宗臣則廟食後祀何疎蕪彭城英雄種宜膺
將相圖爾惟外曾孫個儻汗血駒眼中萬少年用
意盡崎嶇相逢長沙亭乍問緒業餘乃吾故人子

不必又找此句下亦應節之

童巾聯居諸揮手灑衰淚仰看八尺軀內外名家
流風神蕩江湖范雲堪結友嵇紹自不孤擇材征
南幕潮落回鯨魚載感賈生慟復聞樂毅書主憂
急盜賊師老荒京都舊邱豈稅駕大厦傾宜扶君
臣各有分管葛本時須雖當霰雪嚴未覺枯柏枯
高議在雲臺嘶鳴望天衢羽人掃碧海功業竟何
如

上水遣懷

老子閱世而詞足以達之

我衰太平時身病戎馬後蹭蹬多拙爲安得不皓

數語與古莫相疑行同意

首驅馳四海內童稚日餬口但遇新少年少逢舊
親友低頭下邑地故人知善誘後生血氣豪舉動
見老醜窮迫挫曩懷常如中風走一紀出西蜀於
今向南斗孤舟亂春華暮齒依蒲柳冥冥九疑葬
聖者骨已朽蹉跎陶唐人鞭撻日月久中間屈賈
輩讒毀竟自取鬱沒二悲魂蕭條猶在否齒岸清
湘石逆行雜林藪篙工密逞巧氣若酣杯酒譟謳
互激越回幹明授受善知應觸類各藉穎脫手古
來經濟才何事獨罕有蒼蒼衆色晚熊掛元蛇吼

悲壯

黃罷在樹顛正爲羣虎守羸骸將何適履險顏益
厚庶與達者論吞聲混瑕垢

遣遇

磬折辭主人開帆駕洪濤春水滿南國朱崖雲日
高舟子廢寢食飄風爭所操我行匪利涉謝爾從
者勞石間采蕨女鬻市輸官曹丈夫死百役暮返
空邨號聞見事略同刻剝及錐刀貴人豈不仁視
汝如莠蒿索錢多門戶喪亂紛嗷嗷奈何黠吏徒
漁奪成逋逃自喜遂生理花時甘緼袍

早行

歌哭俱在曉行邁有期程孤舟似昨日聞見同一
聲飛鳥數求食潛魚何獨驚前王作網罟設法害
生成碧藻非不茂高帆終日征干戈未揖讓崩迫
關其情

解憂

減米散同舟路難思共濟向來雲濤盤衆力亦不
細呀坑瞥眼過飛櫓本無蒂得失瞬息間致遠宜
恐泥百慮視安危分明曩賢計茲理庶可廣拳拳

筆力高故手揮如意

出險分米安不忘危然語
意自超脫不墮理障

期勿替

宿鑿石浦

早宿賓從勞仲春江山麗飄風過無時舟楫敢不
繫迴塘澹暮色日沒衆星擘闕月殊未生青燈死
分翳窮途多俊異亂世少恩惠鄙夫亦放蕩草草
頻年歲斯文憂患餘聖哲垂彖繫

過津口

南岳自茲近湘流東逝深和風引桂楫春日漲雲
岑回道過津口而多楓樹林白魚困密網黃鳥喧

忽發高言却無理障

嘉音物微限通塞惻隱仁者心滯句龔餘不盡酒膝有
無聲琴聖賢兩寂寞眇眇獨開襟

次空靈岸

泐泐逆素浪落落展清眺幸有舟楫遲得盡所歷
妙空靈霞石峻楓栝隱奔峭青春猶有私白日已

高致紛披

偏照可使營吾居終焉託長嘯毒瘴未足憂兵戈
滿邊徼嚮者留遺恨恥為達人誚迴帆覬賞延佳
處領其要應所歷

水色山光性情有得之故
一語道破讀書當如是矣

宿花石戍

隨所見而動心國是念切
生靈風人遺音

閑語亦墮議論

今翻守度効順之地志
意暴非所以弭亂也請
三復公詩

或賞此擺浪二句不可解

午辭空靈岑夕得花石戍岸疏開闢水木雜古今
樹地蒸南風盛春熱西日暮四序本平分氣候何
回互茫茫天造間理亂豈恆數繫舟盤藤輪杖策
古樵路罷人不在邨野圃泉自注柴扉雖蕪沒農
器尙牢固山東殘逆氣吳楚守王度誰能叩君門
下令減征賦

次晚洲

參錯雲石稠坡陁風濤壯晚洲適知名秀色固異
狀棹經垂猿把身在度鳥上擺浪散帙妨危沙折

花當羈離暫愉悅羸老反惆悵中原未解兵吾得
終疎放

早發

有求常百慮斯文亦吾病以茲朋故多窮老驅馳
併早行篙師急席掛風不正昔人戒垂堂今則奚
奔命濤翻黑蛟躍日出黃霧映煩促瘴豈侵頽倚
睡未醒僕夫問盥櫛暮顏靦青鏡隨意簪葛巾仰
慙林花盛側聞夜來寇幸喜囊中淨艱危作遠客
千請傷直性薇蕨餓首陽粟馬資歷聘賤子欲適

每讀此篇結語慨然泣下
沾衣

從疑誤此二柄

詠懷二首

起四句包兩章以下承轉多襟

人生貴是男丈夫重天機未達善一身得志行所
爲嗟余竟輒軻將老逢艱危胡雛逼神器逆節同
所歸河洛化爲血公侯草間啼西京復陷沒翠蓋
蒙塵飛萬姓悲赤子兩宮棄紫微倏忽向二紀奸
雄多是非本朝再樹立未及貞觀時日給在軍儲
上官督有司高賢迫形勢豈暇相扶持疲苶苟懷
策棲屑無所施先王實罪已愁痛正爲茲歲月不

我與蹉跎病於斯夜看鄴城氣回首蛟龍池齒髮
已自料意深陳苦詞

如節制之師分寸不苟

邦危壞法則聖遠益愁慕飄飄桂水遊悵望蒼梧
暮潛魚不銜鈎走鹿無反顧嗷嗷幽曠心拳拳異
平素衣食相拘閔朋知限流寓風濤上春沙千里
侵江樹逆行值吉日時節空復度井竈任塵埃舟
航煩數具牽纏加老病瑣細隘俗務萬古一死生
胡爲足名數多憂汚桃源拙計泥銅柱未辭炎瘴
毒擺落跋涉懼虎狼窺中原焉得所歷任葛洪及

與萬古一骸骨鄰家迭歌
哭叅看彼語曠此語悲

許靖避世常此路賢愚誠等差自愛各馳騫羸瘠
且如何魄奪鍼灸屢擁滯僮僕慵稽留篙師怒終
當掛帆席天意難告訴南爲祝融客勉強親杖屨
結託老人星羅浮展衰步

望嶽

南嶽配朱鳥秩禮自百王歛吸領地靈鴻洞分炎
方邦家用祀典在德惟馨香巡狩何寂寥有虞今
則亡汨吾隘世網行邁越瀟湘渴日絕壁出漾舟
清光旁祝融五峯尊峯峰次低昂紫蓋獨不朝爭

長矚相望恭聞魏夫人羣仙夾翱翔有時五峯氣
散風如飛霜牽迫限修途未暇杖崇岡歸來覬命
駕沐浴休玉堂三歎問府王曷以贊我皇牲璧忍
哀俗神其思降祥

湘江宴餞裴二端公赴道州

白日照舟師朱旗散廣川羣公餞南伯肅肅秩初
筵鄙人奉末眷佩服自早年義均骨肉地懷抱罄
所宣盛名富事業無取媿高賢不以喪亂嬰保愛
金石堅計拙百寮下氣蘇君子前會合苦不久哀

樂本相纏交遊颯向盡宿昔浩茫然促觴激百慮
掩抑淚潺湲熱雲初集黑缺月未生天白團爲我
破華燭蟠長煙鴟鷂催明星解袂從此旋上請減
甲兵下請安井田永念病渴老附書遠山顛

蘇大侍御訪江浦賦八韻紀異 并序

蘇大侍御渙靜者也旅於江側凡是不交州府
之客人事都絕久矣肩輿江浦忽訪老夫舟楫
而已茶酒內余請誦近詩肯吟數首才力素壯
辭句動人接對明日憶其湧思雷出書篋几杖

之外殷殷留金石聲賦八韻記異亦見老夫傾
倒於蘇至矣

自是正調

疏宕可喜

缺一韻

勻整得初唐之渾

龐公不浪出蘇氏今有之再聞誦新作突過黃初
詩乾坤幾反覆揚馬宜同時今晨清鏡中勝食齋
房芝余髮喜卻變白間生黑絲昨夜舟火滅湘娥
簾外悲百靈未敢散風破寒江遲

奉贈李八丈曠判官

我丈時英特宗枝神堯後珊瑚市則無駮驥人得
有早年見標格秀氣衝星斗事業富清機官曹貞

應節艱難二句

獨守頃來樹佳政皆已傳眾口艱難體貴安冗長
吾敢取區區猶歷試炯炯更持久討論實解頤操
割紛應手篋書積諷諫宮闕限奔走入幕未展材
秉鈞孰爲偶所親問淹泊泛愛惜衰朽垂白亂南
翁委身希北叟眞成窮轍鮒或似喪家狗秋枯洞
庭石風颯長沙柳高興激荆衡知音爲回首

奉送魏六丈佑少府之交廣

賢豪贊經綸功名空垂子孫不振耀歷代皆有
之鄭公四葉孫長大常苦饑衆中見毛骨猶是麒

麟兒磊落貞觀事致君樸直詞家聲蓋六合行色
何其微遇我蒼梧陰忽驚會面稀議論有餘地公
侯來未遲虛思黃金遺自笑青雲期長卿久病渴
武帝元同時季子黑貂敝得無妻嫂欺尙爲諸侯
客獨屈州縣卑南游炎海甸浩蕩從此辭窮途仗
神道世亂輕土宜解帆歲云暮可與春風歸出入
朱門家華屋刻蛟螭玉食亞王者樂張遊子悲侍
婢艷傾城綃綺輕霧霏掌中琥珀鍾行酒雙透迤
新歡繼明燭梁棟星辰飛兩情顧盼合珠碧贈于

及此何也

斯上貴見肝膽下貴不見疑心事披寫間氣酣達
所爲錯揮鐵如意莫避珊瑚枝始兼逸邁興終慎
賓主儀戎馬闇天宇嗚呼生別離

幽人

孤雲亦羣游神物有所歸靈鳳在赤霄何當一來
儀徑與惠詢輩中年滄洲期天高無消息棄我忽
若遺內懼非道流幽人見瑕疵洪濤隱笑語鼓枻
蓬萊池崔嵬扶桑日照曜珊瑚枝風帆倚翠蓋暮
把東皇衣嚙漱元和津所思煙霞微知名未足稱

奇句

此篇大意是寓言孤雲四句
句况已寡偶無依也

局趣商山芝五湖復浩蕩歲暮有餘悲

客從

客從南溟來遺我泉客珠珠中有隱字欲辨不成
書緘之篋笥久以俟公家須開視化爲血哀今微
斂無

送重表姪王砮評事使南海

我之曾老姑爾之高祖母爾祖未顯時歸爲尙書
婦隋朝大業末房杜俱交友長者來在門荒年自
餬口家貧無供給客位但箕箒俄頃羞頗珍寂寥

托寓之言

此段如大珠小珠落玉盤
聲未俱振

座上真氣逼人言之金聲
振地直如鉅鹿之戰讀之
令人神往

人散後入怪鬢髮空吁嗟爲之久自陳翦髻鬢市
鬻充杯酒上云天下亂宜與英俊厚向竊窺數公
經綸亦俱有次問最少年虬髯十八九子等成大
名皆因此人手云風雲合龍虎一吟吼願展丈
夫雄得辭兒女醜秦王時在坐真氣驚戶牖及乎
貞觀初尚書踐台斗夫人常肩輿上殿稱萬壽六
宮師柔順法則化妃后至尊均嫂叔盛事垂不朽
鳳雛無凡毛五色非爾曹往者胡作逆乾坤沸噉
噉吾客左馮翊爾家同遁逃爭奪至徒步塊獨委

前半太史公得意之文後
亦直叙如長江出蜀當看
其一往浩瀚

蓬蒿逗留熱爾腸十里卻呼號自下所騎馬右持
腰間刀左牽紫遊韁飛走使我高苟活到今日寸
心銘佩牢亂離又聚散宿昔恨滔滔水花笑白首
春草隨青袍廷評近要津節制收英髦北驅漢陽
傳南汎上瀧舫家聲肯墜地利器當秋毫番禺親
賢領籌運神功操大夫出廬宋寶貝休脂膏洞主
降接武海胡舶千艘我欲就丹砂跋涉覺身勞安
能陷糞土有志乘鯨鼉或驂鸞騰天聊作鶴鳴臯

入衡州

卷六 五古

十六

語極莊而氣自悲洋洋大篇

全用對句而調自古切別成一格

此一篇其詞

追叙

兵革自久遠興衰看帝王漢儀甚照耀胡馬何猖

哥舒

狂老將一失律清邊生戰場君臣忍瑕垢河岳空

叙及亂之由

金湯重鎮如割據輕權絕紀綱軍州體不一寬猛

性所將嗟彼苦節士素於圓鑿方寡妻從為郡元

名三言公綽不可為大夫亦此意

者安堵牆凋弊惜邦本哀矜存事常旌麾非其任

府庫實過防恕已獨在此多憂增內傷偏裨限酒

肉卒伍單衣裳元惡迷是似聚謀洩康莊竟流帳

下血大降湖南殃烈火發中夜高煙燹上蒼至今

分粟帛殺氣吹沅湘福善理顛倒明徵天莽茫銷

自叙經亂

魂避飛鏑累足穿豺狼隱忍枳棘刺遷延胝趼瘡

遠歸兒侍側猶乳女在旁久客幸脫免暮年慙激

昂蕭條向水陸汨沒隨漁商報主身已老入朝病

見妨悠悠委薄俗鬱鬱回剛腸叅錯走洲渚春容

轉林篁片帆左柳岸通郭前衡陽華表雲鳥埤名

園花草香旗亭壯邑屋烽櫓蟠城隍中有古刺史

盛才冠巖廊扶顛待柱石獨坐飛風霜昨者聞瓊

樹高談隨羽觴無論再繾綣已是安蒼黃劇孟七

國畏馬卿四賦良門闌蘇生在勇銳白起強問罪

叙事老筆曲折頓跌俱以神行

真可浩嘆

富形勢凱歌懸否臧氛埃期必掃蚊蚋焉能當
井舊地宅仙山有舟航此行怨暑雨厥土聞清涼
諸舅剖符近開緘書札光頻繁命屢及磊落字百
行江總外家養謝安乘輿長下流匪珠玉擇木羞
鸞鳳我師嵇叔夜世賢張子房柴荆寄樂土鵬路
觀翱翔

逃難

集外詩見陳浩然本

五十白頭翁南北逃世難疎布纏枯骨奔走苦不
暖已衰病方入四海一塗炭乾坤萬里內莫見容

身畔妻孥復隨我回首共悲歎故國莽邱墟鄰里
各分散歸路從此迷涕盡湘江岸

白馬

白馬東北來空鞍貫雙箭可憐馬上郎意氣今誰
見近時主將戮中夜傷於戰喪亂死多門嗚乎淚
如霰

題衡山縣文宣王廟新學堂呈陸宰

旄頭彗紫微無復俎豆事金甲相排蕩青衿一
憔悴嗚呼已十年儒服傲於地征夫不遑息學者淪

極冠冕極風雅真大手筆
不負此題

中有至理咀之姪出先正
謂公見道過于昌黎信然

素志我行洞庭野歛得文翁肆僦僦胄子行若舞
風零至周室宜中興孔門未應棄是以資雅才煥
然立新意衡山雖小邑首唱恢大義因見縣尹心
根源舊宮闕講堂非曩構大屋加塗墍下可容萬
人牆隅亦深邃何必三千徒始壓戎馬氣林木在
庭戶密幹壘蒼翠有井朱夏時轆轤凍階屺耳聞
讀書聲殺伐災髣髴故國延歸望衰顏減愁思南
紀改波瀾西河共風味采詩倦跋涉載筆尚可記
高歌激宇宙凡百慎失墜

與盡本韵者蓋篇中所押
之字皆廣韻三十小韻唐
制近體二十九條三十小
通用而此首始用小韻故
云然可知劉平水併省之
言近體通用近體猶然古
風可知且廣韻通用指近
體也存此以見杜之始終

聶耒陽以僕阻水書致酒肉療饑荒江詩得
代懷與盡本韻至縣呈聶令陸路去方田驛
四十里舟行一日時屬江漲泊于方田
耒陽馳尺素見訪荒江渺義士烈女家風流吾賢
紹昨見狄相孫許公人倫表前朝翰林後屈跡縣
邑小知我礙湍濤半旬獲浩淼摩下殺元戎湖邊
有飛旄孤舟增鬱鬱僻路殊悄悄側驚猿猱捷仰
羨鶴鶴矯禮過宰肥羊愁當置清醪人非西諭蜀
興在北坑趙方行柳岸靜未話長沙擾崔師乞已

至禮卒用矜少問罪消息真開顏憩亭沼

舟中苦熱遣懷奉呈陽中丞通簡臺省諸公
媿爲湖外客看此戎馬亂中夜混黎毗脫身亦奔
竄平生方寸心反掌帳下難嗚呼殺賢良不叱白
刃散吾非丈夫特沒齒理冰炭恥以風病辭胡然
泊湘岸入舟雖苦熱垢膩可漑灌痛彼道邊人形
骸改昏旦中丞連帥職封內權得按身當問罪先
縣實諸侯半士卒旣輯睦啓行促精悍似聞上游
兵稍逼長沙館鄰好彼克修天機自明斷南圖卷

雲水北拱戴霄漢美名光史臣長策何壯觀驅馳

數公子咸願同伐叛聲節哀有餘夫何激衰懦偏

裨表三上鹵莽同一貫始謀誰其間向未健回首增憤惋

宗英李端公守職甚昭煥變通迫脅地謀畫焉得
算王室不肯微凶徒略無憚此流須卒斬神器資
強幹扣寂豁煩襟皇天照嗟歎

聖天子受天而有天下

聖天子受天而有天下

聖天子受天而有天下

聖天子受天而有天下

聖天子受天而有天下

聖天子受天而有天下

